

THEOLOGIA.

N.


1297





36325-36326

I

6.
1.







SINVS ABRAHÆ.

Cujus LUCAE XVI,

fit mentio,

Pro Sermonis à CHRISTO

instituti SCOPO, EX RITU in convi-
viis recumbendi *pristino*, MODOQ;

de Futurâ post hanc vitam Felicitate do-

cendi, tum Hebræis olim, tum

ipsi Salvatori nostro illis tem-

poribus usitato,

EVIDENTER EXPLICATUS:

Locus eâdem occasione, aliis non unis

obiter illustratus:

Auctore

GEORGIO VECHNERO

SS. Th. D.



LESNÆ POLONORUM.

Ex Officinâ Typographicâ

DANIELIS VETTERI,

Gymnasii Typographi.

ANNO · M DC XLVI.

BIBLIOTH. UNIV.

1

UNIVERSITATIS
LESNÆ POLONICÆ

36.32 5

T.

—

(o)



*Magnifico ac Verè Generoso
Viro,*

D. MELCHIORI

à SENITZ,

& Rudelsdorff in Vogelge-
sang &c.

Celsissimorum,

PRINCIPP. BREGENSIIUM

CONSILIARIO INTIMO,

Ducatus Eorund. PRÆFECTO
meritissimo:

DOMINO ET PATRONO
SVO EXOPTATISSIMO,

Sal. & Cultum.

(*) 2.

Anim-

A Nimadverti pronuper, *G. E-
NEROSE DOMINE*, cum
diutina Patria calamitas, hanc
mihi felicitatem interim extorri affer-
ret, ut *G. T.* per privata propius in-
notescerem colloquia, pientissimum ani-
mum tuum, haut parum delectari iis
Scripturarum tractationibus, per quas
ex ritu ac more Antiquitatis aliquo, lux
accenditur locis cateroquin velut caligi-
ne involutis. Ejus quidem generis ex-
plicationem, Ipse dilaudabas mihi nomi-
natim illam, quam legeras apud nonne-
minem, in Evangelistarum Harmoniâ,
circa Institutionem Eucharisticam, ex
Paschalibus Hebræorum sacris, ele-
ganter & accomodatè expromptam.

Quâ occasione, cum eos nominarem, qui
pridem jam idem annotassent: & exem-
pla subjicerem, circa locos alios aliquot,
gemina: singulariter hæc talia *G. ene-
rosissima Pietati Tuae* allubescere sentie-
bam: ut, quàm mihi ista, ab annis benè
mul-

multis, cura fuerunt, tam gauderem, nec
tuis admota eadem oculis revilesce.

A discessu deinde Vestro, commo-
dum accidit: ut inter repetitiones medi-
tationum quarundam mearum, ad ma-
num redierit mihi illud ejusdem censuræ,
quod loco haur minimæ difficultatis, DE
ABRAHÆ SINU, ex pari aliquo
Antiquitatis lumine, eximie illustrando,
evidenter deservire, jam antè annos
complures, observâram.

Arbitratus sum, posse Generoso pe-
titori Tuo, Svaritatis inde Sacra quip-
piam afflari fortè, inter gravissimas, qui-
bus nunc Publicæ Rei causâ, propè suf-
focatur, curas: si facerem, ut absenti
Meditatio ista, explicatè pateret, SI-
NU S. omnium exoptabilissimus, sub
arumnabili hoc seculo, clarè prospicien-
dus offerretur.

Libuit ita, & Veterum & Juniorum
explicationes, de SINU isto beato, præ-
missim attingere: tum deinde ex adver-

so, quam Scopus, Contextus, Ritus antiquus, Modusq; docendi, Christi jam ævo, & Christo ipsi usitatus, suggereret sententiam, per justam declarationem, cum accomodatione Practicâ, subtexere.

Sub G,enerosi autem Nominis Tui inscriptione, ut Dissertatio hæc in publicum prodeat, Favor puto G,ratiosus Tuus benignè indulgebit, & observantiam sic G. T. meam sanctè consignaturo, & ansam fortè præbituro aliis, non ista tantum cogitata strictiùs examinandi; sed &, ex isthoc quasi documento, agnoscendi, nondum eò progressam, esse Antecessorum nostrorum, seu Diligentiam, seu Perspicaciam, ut nihil nobis hodieq; restet, quod circa Sacras literas meditando ampliùs eruamus.

Ipse quidem facillè me invitari etiam patiari: Ut loca non una in sacris Textibus alia, (uti quedam vel obiter hîc etiam per occasionem simul collustrata reperi-

(o)


perientur) filo consimili evolvam: Si
modò comperero, id me, Probus, Bonus,
Eruditusque non abhorrentibus, factu-
rum.

Tu, Generose Domine, spero, gra-
tiosè & constanter favebis

Generosi Nominis Tui

Cultori obsequiosiss.

G. V. SS. Th. D.



Ad Lectorem benevolum, Scriptura-
rumq; verè studiosum Scrutatorem.

VIs animi mentem penetrat velut enthea, si rem
Ceu coràm species, antè oculosque geri.
Novit id Orator, qui sic tibi facta renarrat,
Cernere præsenti quò videre typo.
Norunt id Vates divi, præsagia nobis
Plurima qui vivis exhibuere modis,
Ipse etiam sic Cælesti Sapia, CHRISTVS,
Ceu vivà docuit multa sub effigie.
Quæ mirùm! subeant quàm mentes, atque lacestant,
Cernere dum potius, quam capere aure, datur.

Divi-

Disitis hinc luxum quis non videt indignanter,
Lazarus interea dum jacet ante fores :
 Nec potitur tenui micarum fragmine, quamvis
 Nonnisi de mensa decidas cupiat.
 Dum foedam sanie delingit odora canum vis.
 Quam stillant artus tabifici ulceribus.
 Tanta satellitio misratio, quanta molossis
 Non est, quanquam aula est plena ministerio.
 Talia ferre oculis grave sit. Sed percipe posthac
 Auribus atque oculis, quo sit uterque statu.
 Credo quidem gemitus audis, ac tattara cernis,
 Dum CHRISTVS memorat *Disitis* entaphiam.
 Cernis ubi flammis, quas inter discruciat
 Heliyo : ubi guttam torridus orat aqua.
 Ista patere satis tibi credo, Lector Amice :
 Non ABRAHÆ pariter, credo, patere SINVM,
 In quem transpositus post vitæ fara refertur
 Esse ministerio *Lazarus* Angelico :
 Ni superum penetrale pateat, ut intueare
 Coelestem accubitus ad Nectar & Ambrosiam.
 Hic ubi cœu Princeps Convivi vivit *Abramus*,
 Proximus accumbit *Lazarus* in gremio.
 Res in conclavis veluti conclavibus acta est,
 Ut vix spectari ad secula nostra queat :
 Ni *Veteres* recolās *Ritu*, *Moresq;* docendi
Antiquum, CHRISTVS quò sua verba refert.
 En clavem, conclave Tibi quâ panditur istud,
 Ut claro spectes singula contutu.
 Sic tamen hæc cernas, contra cernatur ut in te,
 Sub cruce cor patiens, inque ope *larga manus*.



DE SIN V

ABRAHÆ,

Cujus Lucæ XVI, CHRISTUS
meminit.

*Seçt. I. Communis Eruditorum de loci
ejus sensu hesitatio, Veterumq; opiniones
diversæ & variæ.*

CRedo ego, reperiri perpaucos
hodie, ex Eruditioribus etiam, qui,
si animum æquè atque aures habe-
ant attentas, in CHRISTI sermone de Di-
vite & Lazaro; quem Lucas annotavit
Cap. XVI. non aliquantisper secum hæ-
sitent, & quodāmodo ambigant, quem
in sensum accipienda sint, quæ de SIN V
ABRAHÆ dicuntur: in quem Lazarus,
postquam vitā hac defunctus esset, trans-
latus ab Angelis fuisse refertur: ubi etiam
postea commemoratur, in SINIBVS
ABRAHÆ fuisse conspectus à Divite;
dum in Inferno iste interim tormentis ex-

A cru-

cruciaretur. *Veteres* quidem plerosq; omnes, quorum ad nos scripta pertigere, mirè ista *SINUS ABRAHÆ* designatio exercuit: ut rem *aliqui* censuerint propemodum inexplicabilem. *Aly* sic satisfacere sibi visi sunt, si ex comparatione quadam recipiendorum in gremium puerulorum, quod Matribus solenne est, rem declararent. *Nonnulli* Secretum quoddam respici voluerunt, cum in sinum alicujus deponi dicantur, quæ secreta esse debere innuntur. *Aliqui* à sinu humano, ad sinum quendam maritimum huc accommodandum, suis speculationibus transvecti sunt. Ex *vetustissimis* quoq; extitere, *qui* locum apud interos quendam sic denotari persvasum habuere. *Nullus* tamen usquam, quantum animadvertere ego potui, illud vel attigit, ut expenderet, an numeri, in Græco Textu cum variatione occurrentis, ratio forsan etiam esset aliqua, consideratione non indigna. Nam cum dicatur primo Lazarus translatus fuisse εἰς τὸ κόλπον, in Sinum Abrahæ: postea ulterius refertur conspectus esse, ἐν τοῖς κόλποις αὐτοῦ, in Sinibus ejusdem.

Tertullianus ut à Patrum Latinorum propè antiquissimo (quippe qui sub finem
secun-

secundi post Apostolos seculi floruit) ordi-
diar, & quod de loco apud inferos attigi,
primò ostendam, disertè scriptum reliquit,
lib. de Idolatriâ, cap. xiii. (ut ipsa Scripto-
ris verba exprimam) *Lazarus apud inferos*
in sinu Abrahe refrigerium consecutus alter-
nas malorum & bonorum vices, æmulâ retri-
butione compensat. Quibus verbis licet me-
delam adhibere quidam satagant, ut infe-
ros pro omni loco, aut statu mortuorum,
dictos Veteribus Latinis Patribus fuisse
dicant: nimis tamen apertè ex auctoris sty-
lo, alium quendam sensum subesse docet
illud apud eundem scriptorem, quod in
Carminibus ejusdem adversus Marcionem,
lib. IIII. legitur:

Sub corpore terra,
In parte ignotâ, quidam locus extat apertus,
Luce sua fretus: Abrahe Sinus ille vocatur:
Altior a tenebris, longè semotus ab igne,
Sub terrâ tamen.

Et subdit idem auctor postea:

Passo Domino, velamine rupto
Cœlestes patuere plage, cœlataq; Sancta,
Atq; duplex quondam facta est domus
Vna perennis.

Ad quæ verba, *C. Barthius Adversarius.*
lib. LX. cap. 12. vides, inquit, quæ Antiqui

4

commentati sint de hoc loco: Versibus enim istis & alijs eod. loco apud Tertull. exstantibus, videmus, censuisse eum, Sinū Abrahæ esse locum sub terrâ, in quem animæ reciperentur justorum, & distinctum eum esse à sedibus beatis per aram quandam, cujus mentio in Apocalypsi memoratur; Aram eam velatam esse, vel fuisse pullo velamine quopiam, quod per Christum Dominum fuerit sublatum: ut jam Sinus Abrahæ sit felicitas æterna: nec aliorum animæ justorum, postquam carceribus corporis excefferunt, eant, quàm in æternam salutem.

Aliter *Dionysius Ariopagita*, si auctor est genuinus ille ejus nominis, qui sub eo vulgo venit, tantæq; antiquitatis, ut Apostolorum seculo proximè accenseri possit. Nam *lib. de Hierarchiâ Ecclesiasticâ cap. 7.* Lucem ac regionem vivorum cum finu Abrahæ, Isaac & Jacob connectit, locumq; nominat, à quo fugit dolor, tristitia, & gemitus, *ὅς τόπος, οὗ ἀπὸ δακρύων, καὶ λύπης καὶ στεναγμοῦ.*

Sinus sunt, inquit porro, *meâ quidem sententiâ, Beatorum Patriarcharum, ceterorumq; Sanctorum omnium divina beatissimaq; requietis sedes, qua omnes, qui DEL Speciem*
pra

5
pra se ferunt, in perfectionem, que in ipsis se-
nectutis incommodis caret, & beatissima est,
recipiunt: ut interpres quidem verba red-
didit, quem Bibliotheca Patrum magna
Colonienfis exhibet.

Verba Græca sic habent: *Κάλλος ἔστιν, ὡς
εἶμι, τῶν μακαρίων παλαιάρχων, καὶ τῶν λοιπῶν ἁγίων
ἀπάντων, αἱ βεβόηται καὶ μακάριται ληξείσ, αἱ τοῦ θεοῦ
εὐδοεῖς ὑποδεχόμεναι πάντας, εἰς τὴν ἐν αὐταῖς ἀγάπην καὶ
μακαριωτάτην τελείωσιν.*

Augustinus quoq; quamvis, Tertulli-
ano plusquam ducentis annis posterior,
impetrare abs se nusquam potuit: ut apud
inferos Abrahamæ Sinum absq; hæsitatione
locaret. Exertè potiùs opinionì illi recla-
mat; tum *Epistola ad Evodium, quæ XCIX.*
est numero, tum lib. XII. De Genesi ad literã
cap. XXII. Hæsitantiùs tamen de eadem
re pronuntiat, in *Epistola ad Dardanum,*
quæ LXVII. numeratur. Virum, inquit,
Sinus ille Abrahamæ, ubi Dives impius, cum in
tormentis esset Inferni, requiescentem Paupe-
rem vsdit, vel Paradisi cœnsendus vocabulo;
vel ad Inferos pertinere existimandus sit, non
facile dixerim. Addit interim eodem mox
loco: Non enim facile alicubi Scripturarũ,
Inferorum nomen invenitur in bono &c. Li-
bro XX. de Civit D E I, respicere quidem
ad Sinum Abrahamæ etiã videtur, cum in-
quit:

quit: Si non absurdè credi videtur, antiquos etiam Sanctos, qui venturi Christi tenuerunt fidem, locis quidem à tormentis impiorum remotissimis, sed apud Inferos fuisse: donec eos inde Sanguis Christi, & ad ea loca descensus, erueret: profectò deinceps boni fideles, effuso illo pretio jam redempti, prorsus Inferos nesciunt, donec etiam receptis corporibus bona recipiant, qua merentur. Sed hæſitanter tamen & isthoc loco loquitur: ut mirari subeat, qui *Bellarminus* ausus sit, lib. III. *Controv. Secund. Gen. De Christo, cap. XI.* scribere, *Augustinum* isto loco affirmare, Sinum *Abrahæ* in inferno fuisse. Cæterum ubi explicare *Augustinus* conſtituitur, quâ ratione *Abrahæ* Sinus sic dictus sit, qualisq; per appellationem eam, seu locus seu status intelligatûr, id potissimùm agit: ut remotam sedem quietis, atque Secretum intelligere jubeat, ubi sit *Abraham*: qui ideo Sinus *Abrahæ* dicatur, non quòd ejus sit solius, sed quòd ab ipso, tanquam Patre multarum gentium, sic nominetur. Verba si lubet audire *Augustini*, (ut vel obiter sic alia Cujusdam ex illo tempore de Sinu *Abrahæ* opinio simul cognoscatur) sunt lib. III. *De Animâ & Origine ejusdem*, ad *Vincent. Victor. cap. XVI.* hujusmodi:

Quod

Quo
pore
agnosc
irridet
Neg
rus, si
tot ani
tot corp
sicut L
tasse, u
Sinum
errare
tellige
ubi est
non qu
multa
Abrah
Jacob
nume
E
Corn
Sinu
quena
mus,
apud
Veter
ma
ab A

Quod illum *Abrahæ Sinum* existimas corporeum, & per ipsum asseris totum ejus corpus agnosci, vereor, ne in re tantâ joculariter & irridenter, non seriò graviterq; agere credaris. Neg; enim usq; adeo delireres, ut arbitrare-
ris, Corporeum Sinum unius hominis, ferre tot animas: imò, ut secundum te loquar, ferre tot corpora benè meritòrum, quot illuc Angeli, sicut Lazarum, perferunt. Nisi opinaris fortasse, illam unam animam solam, ad eundem Sinum pervenire meruisse. Si non joculari, & errare pueriliter non vis, Sinum *Abrahæ* intellige Remotam Sedem quietis, atq; Secretũ, ubi est *Abraham*: Et ideo *Abrahæ* dictũ, non quòd ipsius tantũ sit, sed quòd ipse *Pater* multarum gentium sit positus: sicut *DEUM Abraham*, & *DEUM Isaac*, & *DEUM Jacob*, se *DEUS* vocari voluit: cùm sit innumerabilium *DEUS*.

Existimavit inde, *Gandavenfis Episcopus*, *Cornel. Jansenius*, *Augustinum*, *Abrahæ Sinum* ita velle intelligi: ut velut ad Sinũ quendam, quem in *Mars* sic dicere solemus, respectarit, ubi loca portubus & quieti apta offeruntur. Quem sensum, inter *Veteres*, *Nyssenius*, libello, quem de *Anima* & *Resurrectione* scripsit, seculo docens ab Apostolis quarto, tradidit: Et post eum

approbarit quoq; *Bulgarorum Episcopus*,
Theophylactus, qui longè tamen, antè hac
nominatis Scriptoribus, posterior existi-
tit, utpote nono post Apostolos seculo flo-
rescens. Inter *juniores*, seu proximi nobis
seculi Scriptores, *Didacus Stella*, *Minorita*
Hispanus, eundem tanquam planè genui-
num inculcat, in textu eo Evangelistæ,
quem doctissimis commentarijs illustra-
vit, exponendo. *SINVS*, inquit, *di-*
cuntur loca Maris, à procellis & Ventorum
turbine liberrima. Et quidem Mundus iste
velut Mare fluctuat, & Ventis tentationum
agitatur maxime. Quoad ego tamen vim
verborum apud *Augustinum* perspicere
possum, haut putem isthuc eum respexis-
se: licet vis Græcæ vocis soleat loca de-
notare, ubi Mare cavo quodam recessu in-
ter duo promontoria constringitur, ab u-
nâ parte in pontum definens, ab alterâ in
flexuosos littorum anfractus sese diffun-
dens. Quod ex *Strabone Lexicographi* do-
cent, loco adducto, ubi *lib. V. de Sinu* cisa
Siciliæ oppido (certam autem Italiæ par-
tem isto nomine denotari apud eum sole-
re, *Ortelius* monet, in *Thesauro Geographi-*
co) disserit, atq; undè nomen sit adeptâ ex-
plicat: ἡ Σινούεσσα inquit, ἐν Σιτάνικόπῳ ἰδρυ-
ται,

rus, ad
mè
rem g
cand
terpr.
tarum
velut
conca
huncc
Græc
ceur,
senten
agnosc
que fac
directo
pæ tas
naves
etiam
quale
& hi
Abra
nome
finum
agnosc
idem
dam &
rari o
De La

και, ὡς οὖν καὶ τὸν οὐρανόν. Σί. ὁ κόλπος. Et dū no-
 mē κόλπου explicatur aqud *Hesychiū*, (aucto-
 rem glossarum maximā ex parte ad expli-
 candos Hellenistas, præcipuē LXX. In-
 terpr. judicio *Clarissimi Heinſii*, compara-
 tarum;) nihil aliud quoq; legitur, quā
 κόλπος, κοῖλ. τόπος περιβαλλόμενος; h. e. Sinus,
 concavus locus ad mare. Vnde, qui præter
 huncce nesciat consulere Lexicographorū
 Græcorum alios, eò sanè necessariò dedu-
 cetur, ut illam de Sinu quodam maritimo
 sententiam, in verbis, de quibus agimus,
 agnoscere propè cogatur. Quo illud quo-
 que facit, quòd *Eustachius*, de sinu maris
 directè loquens: κόλπου αἰτ, παρὰ τὸ ἐν τῷ αὐτῷ κε-
 λην ταῖς ναῦς, ab eo, quòd in illum apellant
 naves. Quā ratione, κόλπου nomen, primò
 etiam competere videatur sinui maritimo,
 qualem *Theophylactus* vi Græcæ vocis adeò
 & hīc non temerè agnovisse videatur, ab
 Abrahamo, quacunq; tandem ratione
 nomen adeptum. Vt alio tamen *Augu-
 stinum* respexisse, quā *Jansenius* opinatur,
 agnoscamus, illud facit, quòd planius se
 idem explicat alibi, ubi, cur Secretū quid-
 dam & quietum per Abrahæ Sinum figu-
 rari putet, edisserit; *Sermone nimirum XC.*
 De Lazaro enim isthuc docens, in Sinum

A s

Abra-

Abrahæ post mortem ab Angelis asportato, *In Sinum Abrahamæ*, inquit, *id est, in Secretum, ubi erat Abraham.* Nolite enim carnaliter intelligere, quod velut in sinum tunice Abraham, levatus sit pauper. Sinus erat quia Secretum erat. Vnde dicitur, *Redde vicinis nostris in sinum eorum, Psalm. LXXIX. 13. id est, Secreta eorum.* Quid est, *Redde in sinum eorum?* Torque conscientiam eorum. Quæ verba lectorẽ per se submonere plus satis possunt, ut agnoscat alio respectum fuisse ab Augustino, in Secreti appellatione, quàm ad sinum quendam in mari fingendum. Atque inveniat interpretatio ista locum fortè apud eos, qui fabulis Ethnicis, de campis Elysij, aliquid tribuunt. & transfretari animas, seu manes, post obitum censent: ipsa quidem contextus illius ratio, ubi Sinus Abrahamæ hic nominatur, locum statumque turriorem quietioremque intelligendum innuit, quàm esse sinus in mari cogitari potest. De quo facile illud animo occurrat, quod apud *Maronem*, ubi Tenedon insulam describit, legitur:

Nunc tantum sinus, & statio malefida carinis.
Cujusmodi quippiam beatitati illi parùm convenit, quæ apud Lazarum agnoscenda
hic

hic ve
tue

Ch

Augusti

Abrahæ

delatur

Abrahæ

perum

redarg

manita

ipsum

longè

focillar

Divice

à Divito

nis

M

aliqua

tum,

Quiet

vocer.

MANUS

petra fa

caros ar

tres, id

quadam

quia m

pristat

hic venit, dum in Abrahamæ Sinu constituitur.

Chrysostomus, qui annis non ita multis Augustinum antevertit, ideò in Sinum Abrahamæ potiùs, quàm alterius cujusdam delatum fuisse Lazarum arbitratur: quia Abraham in vitâ suâ Hospitalitati, & Pauperum susceptioni fuerit intentus: ut hinc redargueretur magis Divitis illius inhumanitas, & ostenderetur, Abrahamum, ipsum sanè etiam divitem, fuisse ab isto longè diversum: ut item Pauper ille refocillaretur jam magis, dum despectus à Divite in terris, reciperetur post mortem, a Divite Abrahamo Patriarcha, in supernis.

Ambrosius, qui Chrysostomo extitit aliquanto prior, rem istam sic attigit tantum, in *expositione in Lucam cap. LXX.* ut Quietis Sinum, & recessum Sanctitatis vocet. *Non otiose hic*, inquit, *Divitem Dominus perfunctum delictis secularibus, in perpetua famis apud Inferos constitutum significavit arumnâ: Cui non immerito quinq, fratres, id est, quinq, sensus corporis, naturali quadam germanitate videntur fuisse sociati, quia immodicis atq, innumeris astuabant cupiditatibus. Lazarum verò in Abrahe gre-*
mio,

mo, quasi in quodam sinu Quietis, & Sancti-
tatis recessu locavit: ne illecti presentium vo-
luptatē, maneamus in vitijs; vel tadio victi
laborum dura fugiamus.

Glossa Ordinaria:

Sinus Abrahæ est requies beatorum
pauperum, quorum est regnum cœlorum,
in quod post hanc vitam recipiuntur.

Glossa Lyrani:

Portatus est in sinum) id est, ad limbū
Sanctorum Patrum: ubi descendebant
iusti morientes, antequā impedimentū ge-
nerale gloriæ per passionem Christi esset
amotum.

*Sect. 2. Juniorum quorundam de eodem
illo Abrahæ Sinu, explicationes
potiores.*

Alijs plerisque, è Junioribus præfer-
tim, Abrahæ Sinum sic explicare: po-
pularissimum est visum: ut mutuatam à
Parentibus similitudinem dixerint: qui fi-
lios, quos tenerè diligunt, in sinum suum
recipere gaudent, & in eo fovere. Quem
in modum, de *Andromachâ*, apud *Homer.*
Iliad. 5. dicitur.

παῖδ' ἐπὶ κόλποι ἔχουσ' ἀπαλάφρονα, νήπιον αὐτός,
Ἐκπερίδην ἀγαπητὸν: h. =

Filius

Filius

H

Exin

quoniam

ludæorum

ad signi

benigne

cum eo

ipso Ab

plicandi

ctores si

to, ut fir

Videatu

bornensis

quit in S

los suos,

ex adven

in Sman

seant;

calestis

tangua

dentes, d

fessos, in

Joba

in suis a

aliter re

Abrah

Abrah

*Filium ad sinum habens, renellum etiam nunc
Hectoriden dilectum.* (infantem,

Exinde dicunt, Lazarum, Judæum, quoniam Abraham Pater fuerit omnium Iudæorum, in illius Sinum delatum dici, ad significandum, quod ab illo sit receptus benignè in Sanctorum consortium, unaq; cum eodem, quiete donatus, quasiq; ab ipso Abrahamo recreatus. Atq; hanc explicandi rationem ita obviam apud auctores superioris, nostriq; ævi, esse puto, ut sine nomine eam designasse satis sit. Videatur tamen, si lubet, *Piscator, Herbornensis Theologus*, qui, *Metaphora*, inquit in Scholijs, à Parentibus, qui parvulos suos, vel discursatione suâ diurnâ fessos, vel ex adverso aliquo casu ejulantes, solati gratiâ in Sinum suum recipiunt, ut ibi suaviter quiescant. Denominatur autem locus ille quietis cœlestis ab Abrahamo, (addit ulterius idem) *tanquam Patre credentium: quasi scilicet credentes, laboribus atq; arumnis hujus mundi defessos, in sinum suum colligat.*

Johannes Gagnau, Theologus Parisinus, in suis ad N. T. Scholijs, paulò etiam numeraliter rem eandem explicat, & ad Fidem Abrahamæ itidem respiciens, *Sinum*, inquit, *Abrahamæ vocat locum, à DEO constitutum, in quò*

in quem recipiebantur p[er] Spiritus ante Christi adventum, quod qui illuc perveniebant, à communis Fidei velut amplexu, quàm Abrahami similitudini erant, exciperentur.

Johannes Fervus, Moguntinorum Ecclesiastes olim gravissimus, ita simplicissime de Abrahami Sinu sibi docere visus est. dum diceret, Nihil illum fuisse aliud, quam Promissionem DEI, Abrahami factam, sic inquerentis: Noli timere: Ego protector tuus sum, & merces tua magna nimis.

Joachimus Camerarius, cum totam istam expositionem de Divite & Lazaro, moneat esse *εικονησιν*, h. e. talem, quæ imagine quadam rem exhibeat, Sinum Abrahami tamen non aliter explicat ipse, quàm s[im]plicitissimum complexum: in *Notas. Figur. N. T.*

Johannes Calvinus, ad Fœdus cum Abrahamo pactum, refert explicationem suam potissimum voluit: Sicut, inquit, Abraham ideo Pater fidelium dictus est, quia penes ipsum depositum fuit æternæ vitæ Fœdus, quod fidei custodiâ servatum, filiis suis primam, deinde cunctis Gentibus per manus traderet: Et Filij ejus vocantur, quicunq[ue] promissionis ejusdem sunt heredes: ita post mortem dicuntur in ejus Sinum colligi, qui ejusdem cum eo fidei fructum percipiunt: metaphorâ à Patre

â Patre sumtâ, in cuius veluti Sinum filij conveniunt, dum vespere ab operis diurnis domi congregantur.

Melanchton, Sinum Abrahæ, Quietē eorum esse tradit, qui ex promissione facta Abrahæ, fideni, consolationem, & vitam æternam conceperant.

Lutherus, Abrahæ Sinum ita explicat, ut ad Dei verbum, quod ad Abraham factum est, referat, *Anima*, ait, seu spiritus hominis, quietem sedemve, in quâ permaneat, habet nullam, extra DEI verbum, quoad perveniat extremâ die, ad claram DEI visionem. Sinum itaq; Abrahæ censemus aliud esse nihil, quàm DEI verbum, quo Abrahamo CHRİSTUS promittebatur: In tuo nomine benedicentur omnes gentes, &c. Quibus verbis CHRİSTUS fuit promissus, per quæ omnes benedicentur &c. Ea ratione Patres, qui ante Christum natum decessere, in Abrahæ Sinum commigrârunt: h. e. in morte, per firmam fidem, promissum illud retinuerunt, inq; verbum illud obdormierunt, recepti & custoditi velut in Sinu, in quo eodem dormiunt etiam, usq; ad diem extremum: &c.

In Commentarijs tamen in Genesin, sic alicubi scripsit vir idem maximus de Sinu Abrahæ: ut vix satis attendisse videri que-

queat ad id, quod Servator noster disertè
sub Abrahami, Isaaci & Iacobi intuitu &
consortio promissit *Matt. VIII. v. 11.*
dum in Sinu Abrahamæ non perpetuum
quid, aut post Christi Adventum etiam fu-
turum, inculcasse videtur. Sic enim *Tom.*
11. in Gen. ad cap. 25. Inquit: Non rectè
facimus, si servamus Sinum Abrahe in Novo
Testamento. Sicut enim antiè mortem Abra-
he, non fuit Sinus Abrahamæ, ita nullus amplius
est post Christi adventum. Et paulò post,
Abraha Sinus post Resurrectionem CHRISTI
destructus est, & successit melior Sinus, sci-
licet CHRISTI. Quando enim emigramus
ex hac viâ, trapimur in CHRISTI Sinum.

Quæ ut in pium accipi sensum pos-
sint, ita tamen Christi verbis conquadran-
da sunt etiam, ut quod servis suis fidelib;
promittit, *Luc. XII. v. 37.* *περὶ τοῦ ἀνα-
παύειν αὐτοὺς καὶ διακονῆσαι αὐτοῖς, h. e. quod ipse*
scilicet facturus sit eos recumbere, usq; sit mi-
nistraturus, simul satis dignè agnoscatur.

Petrus Martyr Loc. Com. Class. 3. c. 14.
Non aliud, inquit, intelligimus per Sinum
Abrahe, quàm certum locum & receptaculum
animorum, in quo eis pax & tranquillitas in
conspetu Dei sui concedatur. Pacatam quip-
pè habent conscientiam, & Deum præsentem.

con.

contingunt. *Abraham Sinus dicitur iste locus; quod huic DEUS primo pollicitus sit, in semine illius omnes gentes benedicendas. Idem præterea discipulus Domini vidit, & gavisus est. De illo item primo legimus, quod crediderit. & fides ei imputata sit ad iustitiam. Et Christus quando rei hujus mentionem fecit, Hebraeis loquebatur, qui cum Patrem suum jactabant.*

Possent adjungi hoc loco complurium explicationes, qui sic aliquid hæc in re eruenda operæ sibi sumisse videntur, inter nostri ævi scriptores. Sed quoniam vestigijs plerique omnes insistant eorum, quos jam adduximus, compendium facere libet amplioris recensitionis, & lectori operam eam relinquere, ut ad hanc sectionem redigat, quicquid sic censuerit huc facere aliquo modo posse.

Illi quidem, qui post Evangelij renovalia scripsere, plerique omnes ab eâ recedunt Sententia, quæ apud Inferos Abraham Sinum locare olim voluit.

Urbanus Regius tamen, proximè ad Tertulliani mentem in accipiendis Abraham Sinu sese attemperasse videtur, dum in *Catech. edit. An. 1541. de Descensu Christi ad Inferos*, in hunc modum scripsit: p. 70. *Sicut Christus homo propter nos factus*

est: ita voluit & verè mori, verè sepeliri, & secundum animam descendere ad Inferna, ad pius animas Adam, Noah, Loth, Abraham, Isaac, Jacob, Joseph & aliorum Christi fidelium in Sinu Abraha quiescentium, & expectantium plenam redemptionem, ut eas consolaretur, nec Patres solum ex Inferno liberaret, sed & omnes credentes à condito mundo, usq; ad consummationem seculi. &c.

Et paulò post: Omnes electi & Christi fideles ab initio mundi ex hoc seculo emigrantes requiescebant in Sinu Abraha & eximiam illam ac cœlestem benedictionem in benedicto semine Abraha, Christo expectaverant.

Et fuit sententia isthæc apud Seculorū superiorum homines, perquam trita. Sic enim Radulfus Ardentius etiam habet, Homilia post Fest. Trinit. primā: Est autem Sinus Abraha locus in superiori inferno tranquillus, in quo, qui in fide Abraha moriebantur, cum requiescebant, expectabant Christum, qui eis regnum cœlorum aperiret.

Non dissimiliter Eucherius Lugdunensis in Homilia Evangelij Feria V. post 11. Dominicam, Abraham, inquit, sicut & ceteri Patriarchæ, & Propheta in inferno erant: inferni tamen penas non patiebantur: Sinus igitur Abraha ille locus intelligitur, in quo si-

mul

mul colle
tem pœna
ma cruci

Secl. 3.

EX ista
Ejus ap
queat aliq
cile posse
si lector
& scopo
prelius i
icat illud
hac de re
de Gene
intelligen
Abraha
Pauperu
ri, vix f
tentiose as
Atta
ri possit

mul collecti Sancti quiescebant. Infernus autem poenarum locus est, in quo impiorum anima cruciantur.

Sc&. 3. Difficultas, post tot illas Veterū Juniorumq; explicationes, in Sinu Abrahæ re. tē & accommodatē satis intelligendo, residua: rei, ejus per media certa exquisitiū evolventa tentatio.

EX istā verò tam multiplici & variā ejus appellationis declaratione, videri queat aliqua saltem Lectori satisfacere faciliè posse. Nihilominus asseverare auserim, si Lector rem spectare attentius voluerit; & scopo sermonis Christi apud Lucam prellius insistere, vix fore, ut non agnoscat illud, quod *Augustinus* idem inter alia, hac de re scriptum reliquit: cum libro VIII de Genesi ad Iseram cap. 4 ait: Quomodo intelligendus sit illa flamma Inferni, ille Sinus Abrahæ, illa Lingua Divitis, ille Dignus Pauperis, illa Sitis tormenti, illa stilla refrigerii, vix fortasse à mansuetè quarentibus: a cōtentiosè autem certantibus nunquā invenitur.

Attamen experiri libet, an fortè afferri possit, tale tandem aliquid, ut & man-

svetè quærentes habeant, in quo acquiescere sic satis possint: & contentiose solitis certare objiciatur, quod vix queant repudiare, ob evidentem & velut in aprico planè constitutam congruentiam. Id quod futurum speio, si *pro scopo*, quem CHRISTUS in eo sermone habet, velut præfixum, *ex more & usu* illorum temporum, ostendam, tum *Supernam Felicitatem*; tum *Præcipuam* quandam *in eâdem Dignitatem*; sic figurari, & velut oculis contemplandam offerri: dum in Abrahæ Sinum ab obitu translatus Lazarus, dum in sinibus ejusdè conspectus fuisse dicitur.

Quî in eum sensum devenerim, edisseram, quoad possum, breviter simul & dilucidè: fortè viam sic monstraturus & alijs, ad alia, consimilem, in modum, manifestius eruenda.

Sect. 4. *Scopus CHRISTI in hac de Divite Epulone Dissertatione.*

ANte omnia hunc esse CHRISTI *Scopum* isto loco observavi: Ut Divites Avarosque homines, quales Pharisei erant, qui & sublaussent Christum tum dicuntur, Despectores illos & Neglectores Patrum

perum

perum
non t
Divite
ferabili
cipuq
que libe
tionis,
Sic quic
gem res
cuoridit
verium
ad com
rentur,
prelio v
hant les
que, qu
duet, o
ent-bu
aciter
& in d
temp
que hi
effigiar
tenas i
rius m
hanc v
rabili
recepta

perum, quasi imagine quâdam prælucidâ,
 non tantum extremæ in Illustri quodam
 Divite *Infelicitatis*; sed & Supernæ in mi-
 serabili quodam Mendiculo *Felicitatis*, præ-
 cipueque apud opulentum quendam, pi-
 que libetalem olim, Patriarcham, *Digna-*
tionis, quàm vehementissimè percelleret.
 Sic quidem, si ulla docendi ratione ad fru-
 gem reduci possent homines illi, terrenis
 cupiditatibus & voluptatibus dediti; si ad-
 versum pueres aliquâ arte inclinari, &
 ad commiserescendum provocari se pate-
 rentur, consecuturum videbatur, ut id im-
 presso velut terrore perficeretur. Movent
 haut leviter, quæ oculis occurrunt: tis-
 que, quæ oculis cernuntur proximè acce-
 dunt, quæ per iconismum aliquem audi-
 entibus exhibentur. Cum primis autem
 acriter penetrant in animos, quæ subitam
 & inopinatam catastrophem animo con-
 templandam exhibent: qualem in utrâque,
 quæ hic introducta fuit, personâ, Christus
 effigiare studuit, descriptâ non minùs al-
 terius in hac vitâ, splendida luxurie, alte-
 rius miserabili egestate; quàm illius post-
 hanc vitam depicto quodammodo intole-
 rabili cruciату, hujus summè exoptabili
 receptu.

Sect. 5. *Quâ figuratione de cœlestibus
Christus docere solitus sit.*

SCopo ad eum modum agnito, arbitratus
sum deinde, rem ita pervestigari cer-
tiùs, penitiùsque exquiri posse, si attentè
observaretur, *quibus modis, qualique rerum
terrenarum accommodatione, Future vite sta-
tus ac felicitas, sueverit illo tempore, tum ab
Hebræorum Magistris, tum ab ipso etiam Chri-
sto proponi.* Iudicavi, sic fore, ut occurre-
ret, quod Christus agnosci posset adhi-
buisse etiam hac vice, tanquam ad propo-
situm singulariter accommodatum: dum
huc omninò collimasse animadvertitur: ut
velut oppositione quadam ad *temporariam
illam Divitiarum felicitatem*, pro pudore terro-
reque divitibus incuriendo, ob oculos iis
poneret *felicitatem dignitatemque æternam,
quam mendico piè defuncto, nuperq; immaniter
deserto, posthanc vitam, in perpetuo Beato-
rum consortio, certissimè foret parata.*

Manifestum est enim, Christum ita il-
lo tempore in docendo egisse: ut, usitatos
inter Hebræorum Magistros docendi mo-
dos, qui præsertim in vulgus recepti jam
erant, ad auditores suos faciliùs expedi-
tiùsque instituendos, adhibere nihil ab-
horruerit, licet formulæ eadem ille, in

V. T.

V. T. I.
quæ ex
quo ruy

Sic
supplici
tam eve
in libr
ron, ad
tio occu

Para
se, in in
gu tamen
futuræ f
adhiber

Ma
divitias
sive libr
Quinq
Magist
qui div
tabane

De
nec illa
ad eum

A R
ne, ipse
sori, pr
ca ph
mum

V. T. libris Canonicis nusquam fortè ali-
quæ extarent, vel eodem saltem sensu illo,
quo tum terebantur, non occurrerent.

Sic *Gehennam* aliquoties nominat, ut
supplicium denotet, impiis post hanc vi-
tam eventurum; de quâ ad eum sensum,
in libris T. V. quos habemus, teste *Hie-
ron. ad cap. X. Matt.* nulla usquam men-
tio occurrit.

Paradysum, seu hortum Hedenis, alio
sensu in libris V. T. nominatum, ex vul-
gi tamen usu, & typi quadam ratione, ad
futuræ felicitatis designationem, jam tum
adhiberi solitum, similiter eodem refert.

Mimmona nomen quoque adhibet, ad
divitias notandas: quod in pristinis Eccle-
siæ libris non extitisse tum videtur; confi-
ctumque fuisse apparet, ab Hebræorum
Magistris, ad eorum opinionem notandam,
qui divitias, velut pro Deo quodam, repu-
tabant: ut Græcorum *μαετη* respondeat.

Debitum nomine peccata indigitat,
nec illâ appellatione, in Canonicis libris,
ad eum modum antè adhibitâ.

A *Regni Cælorum* quoque prædicatio-
ne, ipse similiter, ut & Baptistes præcur-
sor, prædicationem suam exorsus est: licet
ea phrasis posteriorum temporum usu de-
mum fuerit introducta.

Et poterunt ejusmodi dictionum genera, complura puto alia, deprehendi, si animum attendere ad talia, studium fuerit.

A CHRISTO tamen, citra usum quendam prævium, vulgoque nondum perspectum, ita non introducta primitus fuisse ista, sed per Hebræorum Magistros jam antè quodammodo irroboraſſe, argumento eo non obscurè constat: quod in *(Chaldaeam Paraphrasin*, quam *Thargum* vocant, pleraque ab Interpretibus, pro plebe sic ludentius erudienda, videamus alicubi adscita.

Ita ubi in Hebræo, vel nihil tale, vel aliud quid legitur, *'Paradiſi Gehenneque* nomen reperies in Chaldaeo. In *Thargum* quidem, quod Hierosolymitanum dicitur, atque à Iudæis antiquissimum censetur, Gen. III. v. 24. tanquam *Paradiſi*, seu *Gan-Heden*, ut vocatur, oppositum, (pro eo scilicet sensu, qui posterioribus demum seculis obtinuit) *Gehenna* additur: diciturque parallè DEUM, Gehennam & Paradisum. Ubi porro sensus locorum quorundam sic exigere, seu admittere saltem videtur, ut, quod Gehennæ nomine, posteriorum temporum usu significari sive vit, intelligatur, reperies quoque in Chaldaeo.

Gehen-

Gehen
& l
legit
Babyl
XXI. 2
bit eo
henn
Præp
Ipsum
gum, l
(nili
mona
beator
ga fol
gredi
In To
Non
batur
xicon
Loco
tur,
It
Syria
ſuevi
v. 12
deo
tum
rum

Gehennæ nomen: *Psalm*o puta *XLIX. v. 11.*
Et L. v. 21. quibus locis in Hebræo *Scheol*
 legitur: quod alibi Chaldeus reddidit,
Bathkeburia, h. e. Domus sepulture: *Jobi*
XXI. v. 13. In ignem Gehennæ præcipita-
 bit eos. *Psal. CXL. v. 11.* Improbi in Ge-
 hennam judicabuntur. 1. *Sam. II. v. 9.*
 Præparavit Gehennam improbis. *Ibid. v. 8.*
 Ipsum verò *Paradis*i nomen, utut in *Tar-*
gum, sublimiore illo sensu non obveniat,
 (nisi ubi per oppositionem Gehennæ,
μυσταγωγ aliquid innuitur;) pro loco tamen
 Beatorum in Cœlis legitur in *Talm. Chagi-*
ga fol. 14. col. 2. ubi dicitur: Quatuor in-
 gressi sunt in Paradisum, per manus DEI.
 In *Tosephos* (ut annotat *Buxtorff.*) additur,
 Non quod ascenderint realiter, sed vide-
 batur ipsis ac si ascendissent. *Aruch* (*Le-*
xicon Judæorum Targumicum) hic notat.
 Locum in Cœlis, ubi animæ colligun-
 tur, vocari Paradisum.

Ita *Debitorum* nomine, per Chaldeum
 Syriacumque idioma, peccata denotari
 fuisse, tum *Beza* monet: ad *Matt. VI.*
v. 12 & *cap. XXIII. v. 18.* locis in Chal-
 dæo notatis, *Gen. L. v. 17.* & *Psal. I. v. 1.*
 tum verò uberiùs ostendit Lexicographo-
 rum hodiernorum eruditissimus, *Schindler-*
rus,

rum, ex locis *Exod. XXXII. v. 31. Levit. III. v. 3. Psal. XXXIII. v. 23.* &c aliis, ubi *Chubba* legitur, *Num. V. v. 7. Ezech. XLIX. v. 7.* in Chaldæo, cùm aliæ voces legantur in Hebræo. Sic vide *Gen. XXVI. v. 10. Eccl. XX. v. 9. Psal. CIX. v. 7. Deut. XXII. v. 26. Gen XXXI. v. 36. Prov. XX. v. 9. Jer. XVI. v. 10. Num. XXXII. v. 23. Lev. IV. v. 3. 2. Sam. XII. v. 13. Ex. XXXII. v. 32. Ezech. XXXIII. v. 19. Job. XIII. v. 23. Eccl. I. v. 4. Thren. IV. v. 22. Amos V. v. 12.*

Eadem ratione *Mammone* vocem, ubi nusquam in Hebræo comparet, leges in Chaldæo *Gen. XXXVII. v. 26. Exod. XXI. v. 30. Psal. XLIX. v. 11. Hos. V. v. 11.* ubi quoque *Mammonas iniquitatis* nominatur: *Prov. VI. v. 31.*

De appellatione *Regni Cælorum* vix simile quippiam occurrit, quantum observare mihi licuit: probabilissima autē conjectura videtur, eam phrasin, sic invaluisse demum posterioribus seculis, cùm Regnū Israëliticum attritum admodum esset, virique spirituales, vim oraculorum divinorum perspicientes (cum primis quod legitur *Dan. II. v. 44.*) hoc modo alios deinde consolari inciperent, ut spe quadam Regni, non terreni, sed cœlestis planè atque

que divini, eos erigerent, cùm felicitatem interim spirituales & supernam, atque à Deo & apud Deum obventuram, innu-
rent: vide 4 *Esd.* c. 11 v. 37. Quam ap-
pellationem adeò, & Iohannes Baptista, &
Christus ipse, accommodè & opportunè,
pro recepto tum usu, tum quoque propo-
sito adhibuerunt, longè alio Regno sic præ-
dicato, quàm ut usquam ob eam Regni
Cælorum, seu Dei, prædicationem, ab ul-
lo quicquam controversiæ morum ipsis
fuisse animadvertatur.

Ad eundem ergò modum, negari haut
potest, Hebræos Veteres, *Felicitatem*, post
excessum è vitâ hac piis obventuram, præ-
ter alios modos illos, quos adhibuere,
(puta cùm Paradisum, cùm Regnum Cæ-
lorum DEIve dixere) hac etiam figuratio-
ne declarare suevisse: ut *quâdam lauti deli-*
catisq; Convivii, seu Mensæ elegantissimè stru-
ctæ, opipareque apparatus formâ eam propo-
nerent: licet consecutis deindè temporis-
bus, res aliò ab Hebræis pertracta fuerit,
ad Convivium nempe postadventum Mes-
siæ futurum: cuius Epulas, per miras quas-
dam fabulas, stupendas nescio magis, an-
ridendas, confingere, & ex libris V. T.
ipsis, locis quibusdam stolidissimè expli-
catis,

catis, undecunque conquirere sategerunt. Ubi de Behemoth in montibus mille mentio fit *apud lobum* c. 40. Masculum & Fœminam, inquit, creavit eum. Si coirent invicem vastarent universum mundum. Quid fecit Deus? Castravit mare, & frigidam reddidit, id est, sterilem, fœminam: & servavit eam ad convivium justorum in futuro seculo. *Basra* f. 74. c. 2.

Ac præbuit saltem occasionem huic de vitâ & beatitudine æternâ loquendi modo, insignis illa, quæ apud *Esaiam* legitur Prophetia: *cap. XLV. v. 6. 7. 8. Faciet Dominus Exercituum omnibus populis in monte hoc Convivium pinguis, Convivium vindemiæ, pinguis medullatorum, vindemiæ desecata. Et præcipitabit in monte isto faciem vinculi colligati super omnes populos, & telam, quam ordinis est super omnes nationes. Præcipitabit mortem in sempiternum, & auferet Dominus DEVS lacrymam ab omni facie, & opprobrium populi sui auferet de universâ terrâ.* Certè postrema etiam illa, quæ in verbis huius *Esaiæ* dicuntur, ad futuram, & æternam beatam vitam trahi reperiuntur in *Apocalypsi* *cap. VII. v. 17. & cap. XXI. v. 4.*

Ad istam quidem Futuræ Felicitatis depingendæ rationem, respexisse in N. T.

apud

apud Evangelistam Lucam, is clarè perspicitur, qui *cap. XIII. v. 15.* in Convivio apud Pharisaum, Christo præsente, & de Regno DEI per occasionem nonnulla graviter inculcante, subiecisse refertur: *Μανθάνει ὁς φάει τὸ ἄρτον ἐν τῇ βασιλείᾳ τοῦ Θεοῦ!*
Beatus, qui manducat panem in Regno DEI!
 quod tantundem est, ac si dixisset: Beatus, qui particeps fuerit Convivii illius coelestis, seu in Regno Dei apparati.

Sed & antè libros N. T. in *Chaldaicâ Paraphrasi*, planam simplicemque Convivii illius designationem reperies. Ea enim Paraphrasis, in libro *Coccheleth, seu Ecclesiasta, cap. IX v. 17.* ad hunc modum habet: *Dixit Salomon per Spiritum Propheticum, qui ei a Domino: Futurum est, ut Dominus Mundi, dicat omnibus justis, antè se constitutis: Vade, gusta cum gaudio panem tuum, ut statutum est, pro pane, quem dedisti pauperibus, & obscuris, qui esuriebant: Et bibe corde bono vinum, quod repositum est tibi in Horto Heden, id est, in Paradiso, pro vino, quod miscuisti pauperibus & obscuris, qui susebant: &c.*

CHRISTVS porrò ipse, ut parabolæ, quas pro declaratione Regni Cœlorum, seu DEI, varias protulit, haut paucas, de
 Fran-

Prandio, de Cœnâ, de Nuptiis, accommodare eodem studuit: ita ad illum Futuræ Felicitatis per Convivium quoddam figurandæ modum, liquidè sermonem suum subindè attemperavit. Cùm Matt. VIII. v. 11. Gentes quoque, Futuræ illius Felicitatis post hanc vitam participes evasuras esse significare vellet, dixisse refertur: Multos ab Oriente & Occidente venturos esse, & accubituros cum Abrahamo, & Isaaco, & Jacobo, in Regno cœlorum. Haud aliò, quàm ad illum docendi modum respexisse agnoscitur, cùm Apostolis suis, Futuræ Felicitatis spem affirmaturus, velut testamento suo illud legat, ut edant & bibant ad mensam suam, sedeantque in solius, judicantes duodecim tribus Israel, Luc. XXII. v. 30. accommodè sic tum connectens, quæ ad Futuræ Felicitatis statum, ex usitatâ illa Convivii Regniq; Ideâ, dilucidius figurandum, faciebant.

Ex eodem respectu, sermonem illum suum instituisse deprehenditur, cùm Luc. XII. v. 37. dixit: *Beati servi illi, quos cùm venerit Dominus, invenerit vigilantes. Amen dico vobis, præcinget se, & faciet illos discumbere, & transiens ministrabit illis.*

Quod si in rem istam plura requirere,

for-

forſan lector quiſpiam poteſt, adeat *Exercitationes Abr. Sculteti Evangelicas*: atque in illis *libr. II. c. 47.* reperiet, prolixius declaratum, *Eternam vitam, perpetuo cui-dam Convivio eleganter aſſimilari.*

Apud ipſos quoque Ethnicos, felicitatis poſt hanc vitam, viris præſtantibus ob-venturæ ideam, per Convivium Deorum, expreſſam, reperire eſt: ut cùm apud *Homerum Odyſſ. λ. v. 600.* Ulyſſes narrat, quòd viderit apud inferos:

Τὸν δὲ μετ' εἰσενέοντα βίβω Ἡρακλῆϊδω,

Ἐδάλον· αὐτὸς δὲ μετ' ἀθανάτοισι θεοῖσι

τίετο· οὐ γὰρ ἄλλος: h. c.

Post hunc vide vim *Herculanam*,

Idolum (ſcil. ejus:) Ipſe verò apud immor-

Obletatur in convivis. (tales Deos

Eodem quidem ſpectat etiam, cùm apud *Maronem*, *Epule Divum* nominantur: cùm apud *Horatium*, dicitur,

Pelopis genitor conviva Deorum:

Et apud *Ovidium*, de *Tantalo* item,

Cui licuit ſoli Divorum tangere menſas.

Quin ad eosdem Ethnicos, mentio quædam *Beati Sinus* à Divinis Scriptoris permanaſſe animadvertitur: utut explicare neſcierint, quæ ejus ratio omninò eſſet concipienda. Sic enim apud *Senecam* le-

gere

gere est, in *Consolatione ad Polybium*: *Fraitur nunc aperto atque libero cælo, ex humili atque depresso, in eism emicui locum (quis ille locus est, qui solutas vinculis animas beato recipit Sinu,) & nunc libere vagatur: &c.*

Sed & ubi status damnatorum miserabilissimus, hoc quodam indicio deingitur, ut inde lætiosior evasurus esse innuatur, quando visuri sint Abrahamum, & Isaacum, & Jacobum & omnes Prophetas, in Regno DEI; Se verò expulsos foris, ubi fletus stridorque dentium futurus sit: ibidem disertè de Accubitu in eodem Regno dicitur: quòd ab Oriente & Occidente, & Austro, & Aquilone venturi sint, & accubaturi in Regno DEI: Luc. c. XIII. v. 28 29. Ut cum respectu *anxioris* illius, seu Accubitus Convivalis, hanc Abrahami, Lazarique conspectionem, vi rerum sic alibi præclare à CHRISTO proponi solitarum, etiam hic intelligi, fernè necessarium sit.

Sect. 6. In Conviviis Veterum, & Christi tempore, qualis accubendi modus in usu fuerit.

Jam in Conviviis Veterum, uti apud plerasque Gentes alias, Græcos, Medos, Persas

Persas,
Indicos,
eum mo
ut convi
ad alteri
scripta
Ciacconi
apud Pr
Fulvii U
re de C
vium.

Atq;
XXII.
satisfac
quidem
pud jud
locus in
legitur.

Eund
pud He
Francisc
ticorum,
spiritual
caput m
Ex isto
hami
stander
ne fuit

Persas, Celtas, Indos, ita apud ipsos etiam *Judeos*, ex antiquissimo & primigenio usu, eum morem receptum fuisse certum est: ut *convivæ jacerent ad Epulas, alterque aded ad alterius sinum recumboret*. Quæ de re scripta videri singularia possunt, *Petri Ciacconii de Triclino, sive modo convivandi apud Præcos*: ut & ad eundem *Appendix Fulvii Ursini: Stuckius item, prolixo opere de Conviviis*; tum *Philander ad Purnusum*.

Atq; vel unus *Casanbonus Exercit. XVI. f. XXII. ad Annal. Baronii*, Lectori cupido satisfacere hîc poterit. Splendidioribus quidem conviviis *triclina* ac *periclina* apud *Judeos* etiam adhibita fuisse, *Philonis* locus innuit, qui in *De vitâ contemplativâ* legitur.

Eundem sanè ritum in accumbendo, apud *Hebræos* & *Salomonis ævo*, agnoscit *Franciscus Junius in notis ad Canticum Canticorum, cap. II. n. 13.* ubi verba Sponsæ spiritualis illustrat: *Sinistra ejus est subter caput meum; & dextera ejus amplectitur me.* Ex isto accumbendi more id jam *Abrahami* tempore etiam invaluisse *Lucas Osiander* monet, quòd circa hospites solenne fuit, ut antequam recumberent, pedes illis

illis lavarentur: uti videre est in Explicationibus ad cap. XVIII. *Genes.* interfertis.

Nec Romanis tantum in usu morem. hunc fuisse *Valerius Max.* docet, sed eandem consuetudinem ex hominum convivio ad Divina penetrasse innuit, *lib. II. c. 2.*

Hoc porro apud eosdem jam CHRISTI tempore obtinuisse etiam, ut pluribus ad eandem mensam accumbentibus, in sinum recumberet unus alterius, isque quem sibi quisque seorsum veller proximum, agnosceretur illi charissimus, id unum satis demonstrat, quod de *Johanne* legitur, dilectissimo Domini Discipulo: *Joh. XIII. v. 23. Eccl. XXI. v. 20.*

Quæ aliàs seu pro *Dignitate*, seu pro *Charitate*, observata sic etiam apud Veteres fuerit series, seu Ordo, videri potest apud *Plutarchum l. I. Quest. Convival. Quest. 3.* Et apud eum, quem paulò antè nominavi, *Auctorem, qui de Triclinio scripsit. à pag. 24. Et sequ.* Ubi ex *Plutarcho* & ipse ostendit, eum locum, ut in sinu alterius recumberetur, Uxoribus, aut Filiorum, aut alioquin charorum hominum inter honestas personas fuisse. Quò sigillatim facit, quod *Plinius Junior, lib. Epist. IV. Epist. 22. Cœnabat, inquit, Imperator Nerva, cum paucis*
Vejen

Veiento
bebat.
cubuisse
cœnam

Fortè
 illud co
 v. 6. U
 periphr
 nu, qu
 sic solita
 quæ tum
 dicuntur
 Si præse
 exprimi
 participi
 ritum, u
 deatur i
 n, post
 Sect.

Q
 tur, ut
 Convi

*Veiento proximus, atque etiam in sinu recum-
bebat. Xiphilinus, Heliogabalum ait, re-
cubuisse in pectore Aurelii, & in sinu ejus
coenam cepisse.*

Fortè ex isto more licebit æstimare &
illud convenientissimè, quòd *Deut. XIII.
v. 6.* Uxor, quæ charissima significatur, eâ
periphrasi designatur, ut dicatur, *Uxor si-
nu*, quòd recumbere in sinu ad mensam
sit solita. Quò referri quoque possunt,
quæ tum de *Uxore sinus*, tum de *Viro sinus*,
dicuntur, *Deut. XXVIII. v. 54. & 56.*
Si præsertim interminatio, quæ isto loco
exprimitur, ex eo æstimeretur, quod cibi
participandi respectu, antea fieri inter ma-
ritum, uxoremque & liberos siveverit. Vi-
deatur si lubet, *Lipsius ad XI. Annal. Taci-
ti*, post initium paulò.

*Seç. 7. Ex more de rebus Cœlestibus
docendi, & riu accumbendi &
discumbendi pristino, ratio optima
patet, Sinus Abrahæ rectè in-
telligendi.*

Quin igitur expeditissimum, congru-
entissimumque hinc illud esse cerni-
tur, ut *pro more, de Futurâ Felicitate*, per
*Conviviū ideam docendi; pro formâ accum-
bendi*

bendi & discumbendi tum usitatâ ; pro occasi-
sione, velut ex antecedenti narratione, de splen-
didâ Divitis opulatione, accommodè captatâ,
agnoscamus, sic dici Lazarum in Sinum
Abrahæ, translatum, & in Sinibus ejusdem
conspicuum esse à Divite : ut non tantum
ad Abrahami mensam admissus sic propo-
natur, Felicitatis omninò cum illo ejusdem
consors : sed &, ut præcipuo apud illum
Honore, & cum manifesto Dilectionis sin-
gularis indicio ad Sinum ejus delatus, atque
ab ipso met usque arctiore amplexu, in Si-
nus receptus conspiciatur : ad pudefa-
ciendam per ejusmodi ideam, tantò effi-
caciùs, Divitum in hac vitâ Insolentiam,
& ergà pauperes, ærumnososque homines,
Inhumanitatem. Sanè, ut clarè patet,
cætera omnia esse ad Scopum CHRISTI ac-
commodatissima : ita, quod de Occasione
arreptâ ex antecedenti narratione attingi-
mus, id CHRISTO constat adedò fuisse fa-
miliare : ut in cruce quoque Latronis ejus,
qui resipiscebat, & deprecabatur supplex
consolandi, & in spem lætam erigendi op-
portunitatem, consimili modo captârit
Nempè & illi Futura Felicitatis imaginem
offerebat, Paradisi nomine : cùm jam in
monte crucifixis, nihil æquè in propinqu-
esset

esset, ac
 adedò
 mones
 ti ejus, c
 nerat, ut
 brais qu
 contemp
 h, e, req
 verba leg
 braorum
 Basile
 ut in ill
 to volup
 videri pe
 in Epitom
 Ita ibide
 pius & i
 peritur
 Habitas
 inter Sa
 Nequ
 brais Ho
 beaxitat
 sanè in J
 tum leg
 alia gra
 Abrahæ
 Nequ

esset, ac præ oculis, quàm *Hortus*. Cujus
 adeò horti occasione, commodum com-
 monefaciebat Resipiscentem illum, *Horti
 ejus*, cujus nomen in hunc usum jam ve-
 nerat, ut *Felicitatis futura* index esset. He-
 braeis quidem hodièque tritam est, ut circà
 conspeliendos ingeminent, *Nacho Heden*:
 h. e. requies ejus sit Paradisus: Qualia
 verba leguntur quoque in antiquissimis He-
 braorum Epitaphiis: cujusmodi nonnulla
Basilea eruta sunt, seculo proximo. Quin-
 ut in illis, ista verba, *Requies ejus sit in hor-
 to voluptatis, seu Paradiso*, legere est: (ut
 videri potest apud *Christianum Urstium*
in Epitom. Histor. Basiliens. p. 157. & 159.)
 Ita ibidem, quod ad rem præsentem pro-
 pius & ipsum facit, p. 158. expressum re-
 peritur aliquod, verbis hujusmodi finiens:
*Habitatio ejus sit in gloriâ: & accubitus ejus
 inter Superos.*

Neque ipsa Sinus Abrahamæ mentio He-
 brais Hodiernis inusitata, in futuræ vitæ &
 beatitatis participatione designandâ. Sic
 sanè in *Sarmatici juris Processibus*, juramen-
 tum legitur, quo qui jurat, si pejeret, ut
 alia gravissima, ita exclusionem à Sinu
 Abrahamæ, sibi etiam imprecatur.

Neque puto alium sensum habet, quod

in *Tractatu Talmudico Kiddushin fol. 72. 2.* legitur, *Hodie sedet in Sinu Abrahæ: Quamvis id quidam nimis simpliciter exponant, per mortuus est: Et ex Rabinis aliquis, tanquam vaticinium accipiat verba eadem de quodam, in eximium virum evasuro, qui illa die circumcissus fuerit, in Sinu cuiusdam, cui nomen Abrahæ fuit. Sed id longius quæsitum esse, quis non facile suborderetur?*

Ipsa quidem Triclinii appellatio ad Felicitatis & sortis in futuro seculo beatæ designationem ab Hebræis etiam adhiberi sœvit jam olim: ut præclare liquet ex eo, quod in *Purke Aboth cap. 4.* refertur: *R. Iacobum scilicet, dicere fuisse solitum: Mundus hic similis est porticui coram munda futuro. Prepara ergo te in porticu, ut possis ingredi in Triclinium.* In Textu ipso Iudaico, legitur vox *Tarclîn*, quod est *תַּרְלִין* & *Broxedor*, quod explicant Hebræi, *Beth Schaar*, id est, *נֶגְיָוָה*, Vestibulum, porticus mundi futuri, id est, vitæ æternæ. Hinc subdit ad ista *Buxtorff. Lex. Chald. p. 1808.* Comparanda ergo sunt in hac vitâ, quæ nos conducant in futuram. Nam *mundus hic est via & vadum ad mundum futurum, in quo æternum vivimus:* scribit *Majemon.*

In

In ista
sti diu
Epulatio
usus, me
in propi
superstitu
concastig
modum
Felicitate
cum ead
Lazaro c
num figu
non in T
Abrahâ
eos in Su
tissimi, p
Abraham
nis loca
ob ocul
Illu
spicatis
summis
non pos
cogitari
particip
to, qua
verat
cruciatu

In istâ ergo, de quâ hîc agimus, *CHRISTIANÆ* dissertatione, cûm splendida illius Epulationis, quâ Dives in terris fuerat usus, mentio modò præcessisset: nihil æquè in propinquo se obtulit, nihil ad Divitum superstitum indolem, malè moratam illam, concastigandam, magis, seu æquè accommodum exitit: quàm dictâ illâ ratione, *Felicitatem huic vitæ succedeream*, simulq; cum eadem *Dignationem præcipuam*, quæ Lazaro contigerit, per *Accubitus supernum* figurandi, Pauperculumque illum, non in Triclinio tantùm sanctissimo illo, Abrahami, Isaaci & Iacobi, sed & inter eos in *Sinibus Patriarchæ* ditissimi ac beatissimi, præcipuique illorum Antecessoris Abrahami, abrepto illi ad condemnationis loca, Diviti, ejusque Fratribus, velut ob oculos constituendi.

Illum quidem nuper egestuosum & despicatissimum hominem, quasi videre summis deliciis amicitabilissimè accitum, non potuit non grande tormentum fuisse cogitari delicato Epuloni, à deliciarum participatione tanto magis dehinc semoto, quanto illis antehac insolentibus adsueverat. Facit ad augendum dolorem & cruciatum, si videatur cibus potusve ac-

commodus ac suavis, à sitibundo, vel famelico: atque ejus tamen copia fieri nulla possit.

Sic apud *Maronem* in descriptione Tartari, *Aeneid.* vi. tortura damnatorum quædam depingitur, ut Epulas quidam habeant velut ante ora paratas, Regifico luxu: sed quibus tamen perpotiri nequeant, ob accubantem Furiarum maximam.

Lucent, inquit, *genialibus aliis Aurea fulcra toris, epulaque ante ora parata Regifico luxu: Furiarum maxima juxta Accubat, & manibus prohibet contingere mensas.*

Sect. 8. *Quo illud spectet, quod Sinus primò, singulari, & mox Sinuum, plurativo etiam numero mentio sit.*

NEquè verò, (ut istud etiam hîc paucis persequar) temerè legi cùm variatione quâdam videtur, primò, *Delatum fuisse Lazarum, εἰς τὸν ὑγλᾶτον, in Sinum*, singulari numero: postea autem mox, *Spectatum eundem esse, ἐν τοῖς ὑγλᾶτοις αὐτῷ, in Sinibus ejusdem*, numero plurali. Cogitari scilicet potest, *Sinus* quasi duplex esse: *Inferior*, qui ad pedes; *superior*, qui ad brachia, in pectoris concavo denotari solet. Ac

Sinum

Sinum
ab An
raham
rem, se
ampl
hibetur
que leg
câ, cap
recubu
cap, XX

se inclin
plexus
rescisc
tue, &
gatur.

Apu
ne, rec
ampl
Hymn
O
dign

Sect.

Id
Ami

Sinum igitur *inferiorem* repositus Lazarus ab Angelis fuisse significatur initio: ab Abrahamo autem deinde *ad Sinum superiorem*, seu *ad pectus ipsum* pertractus, & velut amplexibus quibusdam comprehensus exhibetur: prouti non temerè de *Iohanne* quoque legitur, in Historia Ejusd. Evangelicâ, cap. XIII. v. 23. in Sinu Christi eum recubuisse: cùm ibidem postea, v. 25. & cap. XXI. v. 20. dicatur, tum ἐν πλεσίν, tum ἀναπλεσίν ἐπὶ τὸ στήθος αὐτοῦ, h. e. *ad pectus ejus se inclinasse, seu recubuisse*, tanquam in amplexus ejus se immittens, ut secretius quid resciscere sic commodius potuisset innuatur, & dilectior præ aliis fuisse intelligatur.

Apud *Homerum* sanè, ἡ κόλπον nomine, receptum in brachia, seu ulnas, atque amplexationem denotari planum est: ubi *Hymno in Bacchum* inquit:

Ὅν τρέφει ἡὐκρομένη κόλποι πατρὸς ἀνακτοῦ
δεξιέρων κόλποισι.

Seet. 9. *Quâ ratione hic velut Bicchum etiam, & Cœne Adventitiæ, seu Hypodœtica, respectus agnosci possit.*

ID quoque *Dignationis & Dilectionis* haut minimæ argumentum præbere potest, si ut

sicut CHRISTI narratio præ se ferre videtur, peculiari quodam *Biclinio*, (quod apud *Plautum in Bacchid.* sic nominatur) exceptum, & delicatius ita ab Abrahamo habitum fuisse cogitemus: Prouti & *felicitatis amplioris tantum praludium* sic agnoscitur, si datum Lazaro, fame antea enecto, velut *Cenam quandam Adventitiam*, (quam *Svetonius de Vitellio* ita nominat) vel *Hypodeticam*, (ut *Plutarcho in Sympos.* dicitur: *Exceptitiam Cal. Rhodiginus* vocat) fuisse arbitremur. Quam aded mox ab excessu suo, eminus, ex longinquo spectare, non potuit non accidere Diviti illi ægerrimū, velut talionem sic experienti: ut e longinquo, ad divinas epulas accumbentem, frustra vicissim spectaret, quem antea præ foribus abjectum, suas quoque epulas frustraneo desiderio spectasse meminerat.

SECT. 10. *Divitibus huius seculi, quid ista Figuratione Beati in Sinu Abrahæ accubitus, & connotati amicitabilis complexus, tacite ulterius subjiciatur.*

Sed & per istum *Lazari in Abrahæ Sinu accubitus*, perque *amicabilem illum*, qui connotari simul animadvertitur ample-

20000

sum, fu
dimer
per con
non hab
conven
Dum L
fertur,
princeps
olim, c
Es predi
nibus sp
susque
divitem
pos eval
colenda
modi, c
ærum
eturus
unqua
superi
comm
quem
bat, se
plexus
ad m
Sic
eviden
vite:

rum, subicitur à CHRISTO Divitibus rudimentum haut obscurum, *tum spei*, quam per conditionem suam abicere necesse non habeant; *tum morum*, quos exercere conveniat, nisi excidere illa spe velint. Dum *Lazarus* enim in *Sinu* spectandus offertur, exhibetur simul *Abrahamus* velut princeps quidam Conviviis superni, qui & ipse olim, cum inter mortales esset, opulentus & praedives extitit. Dum ejusdem in *Sinibus* spectatur ille, qui egestuosus ulcerosusque paulò antè extiterat, atque apud divitem illum in terris nec micarum compos evaserat, jam Patriarcha illius Indoles-recolenda tacitè proponitur, quâ fuit ejusmodi, quoad inter homines vixit, ut tan ærumnabilem virum aliquem haut neglecturus fuisset, si ad fores suas prostratum unquam animadvertisset: quâ tali vel in superno palatio esse apparet, ut non ad communem tantùm mensam adsciscat, quem *Dives* ille extra ædes suas relinquebat, sed in *ἀγαμέμνη* suum, sinusque & amplexus intimos etiam recipiat, quem ille ad *πυλῶνα* abjectum, nec micis dignabatur.

Sic quidem per cœlestem Sapientiam, evidenti auctoramento commonefiunt divites: grassari ipsosmet etiam posse ad *supernam*

pernam Felicitatem: sed non tamen nisi eo pacto: ut, *quemadmodum opulentia similes existant Abrahamo, sic Fidei ejusdem atque Hospitalitatis existant, quoad in seculo hoc degerent, verè amuli*. Quà quidem Indole *Abrahamus* extiterit suo ævo, Historia Mosaica abundè testatur: ut tam esse illa nota omnibus possit, quàm nomen est Patriarchæ ejus. Sed & eandem indolem, idea hîc quoq; aliqua seu pictura illustris exhibet, quâ in supremis spectandus sistitur: ubi in *Sinum suum* admittit hominem paulò antè ærumnabilissimum; Ubi *amplexibus suis* non dedignatur, quem Divitis inhumanitas adeò destituerat, ut nullum illi, nisi in caninis linctibus, superesset solatium.

Adeò autem *ad amplexus* quosdam inter convivandum, illam *Sinum* mentionem, quam verba Christi faciunt, referre inconcinnum non est: ut non obscurum est, ex convivandi more, docendi movendiq; gratiâ, accommodasse CHRISTVM sibi, in futurâ quoque gloriâ considerato, quod minùs quadrare ejus personæ videatur, quàm amplexatio ejusmodi Abrahamo. Puta cùm *Luc. XII. v. 37.* fingit, ipsum *Dominum sese succingentem & discumbere*.
facien-

*facientem ministros suos, seu servos, eâ, quam
 praeceperat vigilantiam repositos, astantem, cir-
 cumeuntem, denique & ipsis ministrantem.*
 Volebat scilicet sic acrius extimulare ad
 vigilantiam eos, quos ministeriis suis ad-
 sciverat, praefiguratâ illis summâ dignatio-
 ne, quâ eos vicissim in futurâ vitâ acceptu-
 rus esset, *convivus caelestis typo* sic extenso:
 ut sibi tribuerit, quod Paterfamilias agere
 solet, non circa ministros aut servos suos,
 sed circa convivâs, quos summè honoratos
 cupit: ut nec ipse accumbat, nisi fortè post-
 remo loco: ut ipse considerare ante se omnes
 jubeat: ut ad mensam ipse adstet, circum-
 cursitet, & ne quid desiderari uspiam
 queat, attentè prospiciat. Qualia hospi-
 tis humani, atque perquam officiosi studia,
Flaccus in fabellam quoque transtulit,
 cum inquit,

Velni succinctus cursitat hospes,

Continuatq; dapes, nec non vernaliter ipsis

Fungitur officiis.

Consimili modo ac Scopo, in Sinibus
Abraha, h. e. in amicabilissimis ejus am-
 plexibus, spectatum hic fuisse Lazarum,
 vel ideo dixit CHRISTUS: ut quod divi-
 tes acrius vehementiusque redargueret,
 ob pauperum despicationem, quodque
 eos-

eosdem ab omni illâ inhumanitate, in futurum vehementiùs abstertere posset, id sic ipsis luculentius velut ob oculos veniret.

Neque ipsa ista *Sinuum Abrahe* consideratio, majorem vim non habet, ad *mores Divitum* decenter reformandos: si id spectetur tandem, quòd *Dives ille Abrahamum pro Patre, h. e.* Antecessore sui generis, agnovisse significatur. Eâ certè ratione, & Dives ille, & qui sub ejus personâ figurantur, fortis & indolis paris quicunque alii, agnoscere jubentur, *perditissimos se fore Sanctissimi Patriarchæ nepotes, si Lazarum, seu miserabilem ullum hominem aliquem: ipsi in terris, vel micis etiam suis, dedignentur:* cum videant, ab Abrahamo Lazarum tam delicatè in supernis haberi, atque ad cœlestem mensam, non tantùm proximo accubitu recipi, sed in Sinibus etiam artificissimis gratiosissimè attineri. Perquam etiam appositâ oppositione, majorem luxurioso illi Epuloni dolorem, facecivisse id cogitari potest: quòd uti antea ex conspectu largæ & opiparæ pastionis, quâ frueretur alios, miseria & cruciabilitas adaugeta fuit Lazaro, cum ipse interim famo premeretur, sic tandem, vice versâ, ipso Epu-

Epulor
lestis
tuitu,
xatus to

Nen
rum aff
micis c
accidit
spectare
arque n
potiri p
bilissim

Sic id
ciis Tal

Axi
pud s
peccat,

Pra
nihil
notan
Chryso
habet
Paup
Delica
atque
utur
las, e
tamen

Epularum, Nectarisque & Ambrosiæ cœlestis, quibus perfrueretur Lazarus, con-
tuitu, Dives siti excruciatu, tantò dive-
xatus tortusque acerbius fuerit.

Nempe, ut famelico illi, cernere alio-
rum affluentiam, cùm ipse cogeretur, vel
micis carere, de mensâ prociduis, grave
accidit & dolorosum: ita sitibundo huic
spectare vicissim, delicias supramundanas,
atque nec guttulâ liquoris tenuissimi per-
potiri posse, non potuit non multò crucia-
bilissimum accidere.

Sic istâ quoque parte in Divinis Vindi-
ciis Talio usuvenit.

*Ainî tûdus Cû' tēgē, dîxî ihûm hōis: est a-
pud Suidam: Et jure merito, Per quod quis
peccat, per idem punitur & idem.*

Præterea nec ægrotationis respectus hîc
nihil considerationis offert, accommodè
notandæ. Nempe Ægotatio, ut monet
Chrysostomus, habet aliquod solatium, cùm
habet, quo opus est. Sed cùm Infirmi-
tati Paupertas adjungitur, duplicatur miseria.
Delicata, inquit *Chrysostomus*, *est ægotatio,*
atque cupedias affectat subinde. Sed hicco,
utut nihil istarum requireret, sed micæ so-
las, easque de abaco recidentes, nec illis
tamen perpotitur. Itaque ex adverso,

ἀνελκόμενος iste, licet adſueverat ſuaviſſimīs
 antea hauſtibus, atque nunc avidiūs ali-
 quid potiunculæ expeteret, & guttulam
 quoque aquæ ſolam ſlagitaret, nec illam
 etiam impetrat: ut omnem in modum
 immiſericordiam ſuam luere cogatur:
 Qui micæ deciduas expetiſſenti negarat,
 jure viciffim nec guttâ perpotitur, quam-
 vis ejusdem magnopere expetens.

ſect. II. *Aqua à damnato Divate de-
 ſiderata conſideratio accommoda,
 ex Convivii reſpectu amplius & ipſa
 inſtitui poteſt.*

Quin, quod de Digito in aquam intrin-
 gendo, poſcit à Lazaro Dives in-
 flammiſ conſtitutus, id quoque, cū ex
 Convivii ratione expendi amplius non in-
 eptè poteſt: tum verò vim afferre peracrem
 debitè conſiderantibus poteſt, ad mores
 illorum inantè corrigendos, qui etiam in
 micis quandoque communicandis nimis
 ſeſe illiberales exhibent.

Nempe Cæleſtis illius Convivii mo-
 dus, utut ſublimiora & puriora cætero-
 quin omnia figuret, ex typo tamen huma-
 ni convivij æſtimandus venit: ſaltem Di-
 viti ſic inſpiciendus offertur.

In Conviviis verò Aqua sic præstò esse solet, ut vel vinum, si sit generosius, diluatur; vel ut lavandis tantùm manibus adhibeatur; vel ut in frigidando potui inseruiat, proximè alicubi in psyctere apposita.

Possunt adeò, qui Pauperum, Ærumnabiliumque hominum misereri inter luxurias suas seculares minùs solent, hic illud sibi ad animum revocare, evenisse suorum morum antesignano illi tandem in torturis infernalibus, ut ab eo, cui micam deneget, in suâ illâ seu affluentia seu superfluentia panis ac ciborum, necesse habuerit petere, vel aquæ guttam, quam digito, seu in malluvium, seu in psycterium, seu in hydriam, refrigerando potui appositam, intincto ad se deferret: Attamen nec illud impetrari potuisse contra, postquâ adeò inclementer antea, habitus fuit, qui ad *αὐτῶν* jacuit miser, micarum tantummodo cupidus, cum cupediis in hac vitâ Divitum abundare spectaret.

Nihil quidem micis, de mensâ cadentibus, & tamen esurienti Lazaro inclementissime negatis, opponi ex adverso efficacius poterat, quàm aqua, quâ manus etiam jam ablutæ cogitari possunt. Canibus cedere micæ solent, procidit illæ. Homi-

nī miserabilissimo eas nec denegasse congruentius fuerat. Sed qui nec istas cedere famelico Lazaro voluerat, jam cogitur frustrā tandem ab ipso expetere, ut digitum intingat in aquam, sibi refrigerando apportandam, in aquam scilicet, quæ canibus itidem cedere solet in conviviis humanis, vel inaniter etiā prorsum profundi.

Cujus aquæ respectu, si divitem illum desiderasse refrigerium suæ linguæ cogitemus, jam alterum illud quoque cogitandum erit, spectatorem hīc fuisse Divitem, eum Convivii illius, seu Cœnæ Adventitiæ, tanquam ad finem usque perductæ: ut de polubro jam agi viderit: cujus occasione aded desiderarit, vel ex aquæ istius intinctu levamen sibi in torturā ignis contingere.

Eam ipsam autem aquam, cū tantæ ad fervorem linguæ suæ restinguendur efficaciam judicant, ut vel de guttulā levamen sibi aliquod sit polliceri ausus, non est à re prorsus alienum, exinde aliquā ratione æstimare, tum quæ torturæ Infernalis sit vehementia; tum verò, quæ contrā existat supernarum deliciarum vis longè efficacissima! Etiam guttulæ perparæ, quæ de Convivio Cœlesti transferantur,

tur, tan
restit
lingua

Atque
gere ut
conside
parear,
quem li
docuim
aquæ re
& ut ip
Conviv
ni ptre

Nem
quam s
tute,
dret, f
quali
non li
rantis

Seet.

A
expli

tur, tanti videntur valoris fore, ut incendia
 restinguere possint phlegetonæ illa, quæ
 lingua sentiat.

Atque hæc, dum aquæ sit mentio, attingere
 sic hoc loco, in Convivii Cœlestis
 consideratione, libuit: non tantum, ut hinc
 pateat, ad *Marinum* quendam *Sinum*,
 quem sibi nonnulli hic sinxere, ut superius
 docuimus, minus necesse esse, mentionem
 aquæ referre; vel eum exinde arguere: Sed
 & ut ipsa Sinus Abrahæ Explicatio, per
 Convivii modum tanto evidentior ex omni
 parte evaderet.

Nempe in toto contextu eo, vix quicquam
 sic occurrit, quod sub Convivii intuitu,
 non eleganter ad propositum quadret,
 filoque deduci perpetuo ex eodem,
 quasi principio possit: quodque denique
 non faciat ad Scopum castigandæ immiserantis
 luxuriæ, quàm appositissimè.

Sect. 12. *Explicatio Sinus Abrahæ præ-*
missa, longè quidem evidentiissima,
apud Antiquos tamen nusquam
occurrit.

Atque hæc jam satis esse possunt, ad
 propositam SINUS ABRAHÆ
 explicationem, dilucidius fructuosiusque

aliquāto exhibendam. Ea quidem uti *Scripturis* per omnia existit *consentanea*, & clarissimè ex *locorum* variorum *collatione* fluit; *Consilio* autem Domini circa divites nervolè monendos & movendos, apprimè *respondet*: ita spero agnosci poterit talis omnino esse, ut *mansuetè quarentes*, vix clarius quiddam desiderent; *contentiosè autem certantes*, nec reperiant facilè, quod contrà excipiant, aut objiciant.

Equidem, cùm in sensum hætenus evolutum, verba illa CHRISTI de *Abrahæ Sinu* accipienda, ex *locorum* *Scripturæ* aliorum *collatione*; ex attentâ *Scopi consideratione*; ex *moris pristini* tum docendi de futurâ vitâ, tum accumbendi in convivis, *accommodatione*, satis sic planè animadvertissem, perquisivi nihilominus non indiligenter, annon esset inter *Commentatores*, seu antiquiores, seu recentiores, fortè aliquis, qui ad eundem sensum pertrigisset. Hanc enim in tractandis *Sacris Scripturis* legem, jam ab annis non paucis mihi dixi: ut dum de *Analyfi Exegetique Textus* alicujus video, totum meipsum meditando, antè excutiam, quàm *Commentatores* ullos adeam. Quos deinde, viribus meis sic priùs tentatis, & consideran-

do

do velut exantlatis, consulo postea, quot
quot habere possum omnes, dispiciens se-
dulò atque attentè, si quid in cogitatis
meis, seu compleam exindè, seu confir-
mem, seu corrigam; seu etiam, tanquam
ab aliis prætermisum, cum studiosius an-
notem, tum scrupulosius usque expendam
& examinem. Hoc igitur in præsentè
textu, cum agerem quoque, nullum dum
sanè ex ævo superiori ac pristino reperi,
quem nominare possim in explicatione
istâ prævium. *Chrysostomum* demiratus
sum, qui ad eandem istam *Sinus Abrahe*
perspectionem non pertigerit, cum Laza-
rum sic interim à Divite conspectum agno-
verit: ut *regia* quoque *mensa* mentionem
juxtà duxerit faciendam, dum statum La-
zari beatiorem exprimit, *Epistolâ quam*
Exul Exuli Cyriaco Episcopo, scripsit, ele-
gantissimâ.

Sect. 13. *Explicatio Sinus Abrahe præ-*
missa, apud Juniores nonnullibi
tandem reperta.

A Tamen de Juniorum quorundam.
Auctorum inspectione, haud unum
solumve, nec primum me esse, tandem
deprehendi, qui sensum istum perspexe-
rim.

rim, utut citra prævium ullius ductum in
eum devenerim. Reperi scilicet & *Ca-*
meronem inter nostros, insigni, in locorum
quorumque difficilium evolutione, saga-
citate virum; & *Maldonatum*, inter Pon-
tificios, nominis celeberrimi Jesuitam,
planè eodem in *Abraba Sinu* explicando,
collimantes, quò me attentior rei conside-
ratio deduxit. Quin & antè utrosque il-
los *Beza* eodem digitum intendit, loco.
Annotationum extrà præsentem textum
alio, puta *Matth. VIII. annotatione octa-*
vâ: cùm in propriâ sede *Luc. XVI.* nihil
ejus rei meminerit: quod, si attentè satis
considerationi illi, sic obiter duntaxat an-
tè indigitare, insistere voluisset, vix præ-
termittere etiam potuisset.

Antè ipsum porro *Beza*, proximè ab-
sint quoque ab eo sensu, quem nunc, di-
lucide satis, ut opinor, explicavimus,
& *Matthias Flacius Illyricus*, in opere erudi-
tissimo, quod *Scriptura Clavem* inscripsit.
Is, ubi de *Sinu Abraba* differit, sic suam
connititur expromere sententiam, ut in
vestigia sensus genuini planè incidisse, sed
cadem tamen haur dextrè & directè satis
persecutus esse deprehendatur. Quin,
nescio quo, exorbitavit quodammodo,
dum

dum pios etiam in hac vitâ in Sinu Abrahæ esse ac foveri dici posse arbitratur. Nam textus profectò apud Lucam, cujus explicandi gratiâ, ista differit, non ad statum aliquem in hac vitâ ullo modo spectat, sed ad illum duntaxat statum refertur, qui post hanc vitam fidelibus continget. Libet ipsa Auctoris verba subicere, ut quod dixi, in omnem modum à lectore citariùs agnoscatur: atq; vel sic simul animadvertatur, quantoperè hallucinari ac cesspitare cum etiam contingat nonnunquam, cum viam interim rectissimam ingressi sumus, si non item cæptâ dexteritate progrediamur. *Luc. XVI. inquit, est, Lazarum esse portatum ab Angelis in Sinum Abrahæ. Id intelligunt, de copiâ bonorum, quæ ibi piis proposita est. Non malè sanè. Sed vocis rationem hanc putant esse, quòd primùm vocabulum istud per metaphoram à sinu humano transfertur ad receptacula maris intrâ terram, quæ ob tranquillitatem solent etiam esse portus ac statio navibus. Hinc porrò, secundâ metaphorâ, putant illam cælestem felicitatem aut portum vocari, quòd pii eo confugientes, ac per mortem commigrantes, sint jam à periculis ventorû, piratarum, ac tempestuosi huius maris liberi. Verùm ego opinor non*

D 4

sinè

sine causa addi nomen ABRAHÆ: ac idèò illum locum vocari SINUM Abrahæ: quia Abraham dicitur Pater omnium credentium, justificatorum, & salvandorum. Idèò nunc ex hac mundi miseriâ & vexatione Diaboli ac Impiorum, dicitur colligere ad se ac veluti in sinum suum, suos dilectos filios, eosque ibi fovere ac recreare. Addit post hæc: Vicina prorsus locutio est, quod Christus dicit, multos venturos ab Oriente & Occidente, ac convivaturos in cælo cum Abrahamo: contra filios ejus carnales excludendos. Aliqui exponunt per Sinum, Promissiones datas Abrahamo. Verùm melior est altera ratio locutionis: quia & minùs dura est in verbis: & præterea promissiones Abrahamo datas, etiam in hac vitâ amplectimur, ut ea ratione etiam hic agentes, per in Sinu Abrahæ esse ac foveri dici queant. Sic Flacius eo in loco, ubi mox postea ritus accumbendi pristini explicatè meminit, atque typum etiam quendam exhibet: eundem tamen ad cœleste Convivium, & sic satis apertè explicandum Abrahæ Sinum, accommodare neglexit.

Paulò verò, concisiùs etiam Cameron, uti & Maldonatus, rem eam deducunt: ut indè reat accidisse, quò minùs Explicatio

tio eâdem se probârit Viro Eruditissimo,
Ludovico Capello, cujus *Spicilegium Myro-*
thecio Cameronis Evangelico adjunctum pro-
 diit. Atque iste, dum obniti quodam-
 modo Explicationi huic videtur, quasi ob-
 litus censerî potest moris ejus, quem de
 reliquo diligenter observat: ut ex *pristinis*
Hebraorum ritibus ac libris haut pauca N. T.
 loca accommodè illustret; haut dubiè ist-
 hac parte eleganter idem præstiturus, si
 meditari aliquanto pressius voluisset,
 quemadmodum ex *Hebræâ Antiquitate* il-
 lustrari confirmarique sensus iste posset.
 Saltem dum præferri id vult, quod *pri* dor-
 mire dicantur in *Scripturâ*, dum *mortui sunt*,
 & quiescere à laboribus suis; nunquam autem
 potius quiescere & dormire dici queant, quàm
 in gremio seu sinu *Spiritualis sui Patris Abra-*
hami: cogitare debuerat, an tale quid *Scô-*
po Christi, quem in figuratiône eâ intende-
 bat, satis etiam responderet. Lazari sic
 velut dormientis idea, minùs utique tor-
 quere potuisset divitem, sub cujus figurâ
 percellere tamen Divites Christus voluit.
 Nec felicitatem Pauperum piorum futu-
 ram, Euclionibus illis opulentis & luxu-
 riosis, tam accommodatè spectandam
 idem objecisset, si somnoriâ quiete tan-
 tum

rūm sic fruētem exhibuisset Lazarum, & velut *ἐπιγραφίδιον ἐξέφθον* (quod Porphyrio dicitur) h. e. infantulum quendam linufoveri solitum, oculis objectasset: ut ne alia nunc producam, quæ vel minùs quadrare animadvertantur, vel enervare quodammodo sermonem Christi, aut cæteroquin etiam aliquid inconcisius arguant, si Lazarum in Sinu Abrahæ sic velut dormitcentem fingamus. Nusquam quidem id scriptura agit, ut quos tanquam *Futura Felicitatis* compotes exhibere instituit, eos tanquam dormientes nobis proponat: licet beatam mortem fidelium sic denotare gaudeat, ut obdormiisse eos dicat. Per *convivium* autem, aut *accubitus* quendam *convivalem*, ita frequenter *futura* nobis *gaudia* depingit, ut nihil queat esse magis obvium.

Seçt. 14. *Explicationis ejusdem. Usus ad Limbum Patrum, quem sinxere Veteres, & hodiè Pontifici propugnant, redarguendum.*

A Tque hic *Maldonatus*, utut perspicere plus satis potuit, *Limbo* quem vocant, tum *Patrum*, tum *Puerorum*, statuminando, minùs accommodum manere lo-

re locum istum, si in eum, quem sic hactenus deduximus modum, quemcunq; ipse etiam animadvertit esse congruentissimum, accipiat: non ausus est tamen, aliam explicationem aliquam, dogmatibus hodièque inter Pontificios celebratis magis idoneam, præferre, vel illud hîc repetere, quod *Matt. VIII. vers. 13.* dixerat: *Sinum Abrahæ vocari illud velut conclave, ubi Abraham cœlestium deliciarum gustu quodam, expectatione frueretur.* Ipsâ haut dubio rei evidentia permotus est: ut volens nolens deseruerit hâc parte, quod superius etiam ad *Limbum Puerorum* accommodarat. Nam & de puerulis Bethlehemiticis sic egit *Matt. II. vers. 18.* ut in Sinum Abrahæ translatos eos diceret, cum significare vellet, in Limbum Puerorum, quem dicunt, pervenisse. Cum *Bellarmino* quidem, causæ communi subsidium deinde quærit in eo, ut *Chaos Vulgæ Versionis* relinquat, & *χάος*, h. e. *Hiatum* inter utrosque confirmatum, urgeat. Sed quàm id ipsum inaniter fiat ab utroque, si *Sinus Abrahæ* ad nostrum istum modum explicandus cogitetur, nemini non potest esse plusquam dilucidum, dum animum vel obiter attendat. Scilicet ex

Hiatu

Hiatus illo concludere satagit *Bellarminus*, utrasque animas, Lazari scilicet Abrahæque, ac damnati Divitis, in eadem voragine fuisse, licet multum inter se distantes, (quemadmodum loquitur *libro de Anima Christi* cap. XI.) cum, hiatus licet inter quosdam designato, nec in eadem eosdem voragine collocari necesse sit; nec illa secundum Scripturas accepta Sinus Abrahæ designatio, in Voragine aliquâ, extrâ Beatitudinis sedem, locum inveniat. Loca sanè illa, quorum *collatione* Interpretatio nostra, nititur, puta *Matt. VIII. Luc. XII. & XIII. itemque XXII.* Catholici (ut vocari gaudent) universim omnes, quod novimus, de *cælesti Beatitudine* accipienda agnoscunt. Et ille verò *accubitus* etiam, cum *Abrahamo, Isaaco, & Jacobo*, qui *Mat. c. VIII.* proponitur, oppositam mox post se habet *ejectionem* ejusmodi, *eis tò oxòrò tò ižònegr*, in tenebras illas exteriores, ubi futurus est ploratus, & stridor dentium: ut quo referri debeat, nec obscurum, nec dubium esse possit. Quin & *Maldonatus* ipse locum eum sic interpretatur item, ut non solum dicat, dubium non esse, per exteriores tenebras, Infernum significari: (quamvis *Origenes*
Tra-

Traſtatu in Matt. XXIII. Purgatorium
 interpretetur, quod extra Infernum ſit,)
 ſed & eâdem illa Convivii ratione eleganter doceat, qui hîc dicantur *Exteriores tenebrae*. Agitur hoc loco, inquit, ſicut multis aliis, de Regno Cœlorum, ſub figurâ & ſimilitudine Convivii, nec ejus ad meridiem adornati ſeu Prandii, ſed ad vèſperam inſtituti, ſeu Cœnæ: quia antiquis mos fuit, ut convivii ad Cœnam potius, quàm ad prandium celebrarentur. Quamobrem nunquam videmus prandium (haut ſatis autem memor hîc extitit Jeſuita Textus Evangelici, qui legitur *Matt. cap. XX. verſ. 4.*) ſemper autem cœnam appellari, *Luc. XIV. v. 16. Apocal. XIX. v. 9. 17.* Solent autem convivales Cœnæ quia de nocte ſunt, copioſo tedarum lumine celebrari, quòd non ſolum ad neceſſitatem & uſum, ſed etiam ad celebratam & ambitionem adhibetur. Itaque qui in cœnaculo ſunt, in magno ſunt lumine: qui extra, in magnis verſantur tenebris. Ideò qui ex Regno Cœlorum extruduntur, in tenebras exteriores eſcò dicuntur: quia quicquid tunc extra Regnum Cœlorum erit, tenebra erit, &c.

Sed & idem *Maldonatus*, dum *Bellarmino* accedere videtur hac parte, & argumentum illud cum eodem perurgere, ita quoq;
 de re

de re eâ differit : ut quo se vertat, vix reperiatur : Abrahamum modò in cœlo visum statuens; modò eundem in cœlo fuisse negans : Sinumque Abrahæ ita sub terrâ fuisse admittens, ut tamen suspicetur summum hîc cœlum designari : inter quos & infimum damnatorum locum magnus utique fuerit hiatus. Libet ipsa scriptoris ejus celeberrimi verba ulterius attexere hoc loco : ut præclare agnoscat Lector, quanto perè per Veritatis evidentiam, homo cæteroquin argutissimus, & Casauboni etiani testimonio, judicii acerrimi, sese ipse intricârit : dum suppetias ferre causæ hauri probæ conatus est. Liquidò mihi ex hoc loco, inquit, ad v. 26. Luc. XVI. colligi videtur, Sinum Abrahæ etiamsi sub terrâ, longè tamen remotum a damnatorum loco fuisse. Quin valdè suspicor, summum hîc cœlum designari, inter quod, & infimum damnatorum locum, ubi dives erat, magnus utique erat hiatus, totius scilicet spatium aeris, quod quasi hiatus quidam, vacuum & impermeabile videtur esse. Non quòd Abraham in cœlo esset, sed quòd ita loqui fingatur, quasi esset in cœlo &c. Ita contentiosè disputans Iesuita, fermè cœlum terræ miscere non abhorruit : nec habuit tandem, quod adversus

sus explicationem antè abs se probatam
 reponeret: quamvis vel tum, angustiarum
 istiusmodi præfagiens, cautum sibi etiam
 velut inante voluerit, adversus leges Pon-
 tificias, quæ in verba Magistrorum jurare
 ferè cogunt: ut tanquam herbam betoni-
 cam, addiderit clausulam: *Id valdè proba-
 bile sibi videri: sed quia suum sit inventum,
 malle timidum in asseverando esse, quàm teme-
 rarium.*

Libet hic & illud attingere, quod ejus-
 dem ordinis homo, *Hieronymus Xavierius*
 vafrie quadam egisse videtur: ut expedi-
 tius esset, aliò referre id, quod de Lazaro
 Christus docuit, quàm ad beatam illam in
 coelis sedem. Nempe is *Xavierius* Histo-
 riam Christi Persicè descripsit, gloriariq;
 audet, è sacro Evangelio & aliis Prophetarum
 libris se illam collegisse. Quin tan-
 to eum librum honore dignum judicavit:
 ut ex omnibus, quæ sub Rege Acabaro (is
 ille fuit cujus auspiciis & desideriis scrip-
 tum illud protulit) in Linguam Persicam
 sunt translata, hunc demum librū dignum
 esse dicat, ob quē Rex ille superbiat. Super
 hæc, postulare ausus est: ut publico edicto
 fanciatur, quo in sacris cœtibus iteratò le-
 gatur. In eo igitur libro *Xavierius*, Per-
 farum

farum (Mogolensium Evangelista scilicet)
 tibi refert quid Christus de Lazaro com-
 memorarit, pro verbis, in Sinum Abrahæ
 detulerunt, reponere voluit, *In domicilium*
Abrahæ, & reliquorum quiescentium.
 Quorsum Christi verba, quæ Sinus disertè
 meminere, sic interpolare libuit? Haud
 vanam arbitrer conjecturam Viri de Ori-
 entaliū Linguarū peritiā longè cele-
 berrimi, *Ludovici de Dieu*, conjecturam:
 qui Historiam illam Christi à *P. Hierony-*
mo Xavierio Perficere conscriptam, sed mul-
 tis simul modis contaminatam, Latine
 reddidit, Animadversionibusque suis no-
 tavit. Is ad locum Evangelistæ sic im-
 mutatum, ut domicilium pro Sinu repo-
 situm legatur, *Verebatur*, inquit, *Xavie-*
rius nempe, ne per Sinum Abrahæ intellige-
 rent Indi locum quietis, & felicitatis, in quo
 omnes pii, & Abrahæ per fidem filii, Patri suo
 Abrahæ juncti, tanquam in sinu quodam
 quiescerent & refocillarentur, ut fœderis cum
 Abrahamo & viris ejus per fidem posteris ini-
 ti. Quod quoniam limbo fictitio Patrum pa-
 trum conveniebat, qui inferno junctus, nihil
 refocillationis præbet, substituit domicilium
 Abrahæ & reliquorum quiescentium. Ex
 quibus verbis, neq. Abraham ut Pater Lazari,
 neq.

neque Abrahæ consortium, ut locus refocillationis intelligi potest. Qua improba est perfidia? Sic ille.

Utut autem Pontificiæ opinationi obstaculum sic aliquod subducere voluisse videatur apud Indos, novitius ille Arabum Evangelista, Sinum tamen Abrahæ in eodem suo Evangelio sub finem expressè nominavit, & quid eum esse velit expressit, dum in narrandâ CHRISTI sepulturâ, ad hunc modum scripsit: *Corpore Christi sepulto, anima ejus in locum quendam concessit, ubi anima venerandorum Patrum & Prophetarum & Justorum, qui ex hoc mundo excesserant, eum expectabant. Sciendum enim, (addit Evangelista ille ulterius) Infernum quatuor habere gradus. Infimus est locus supplicii Diabolorum, & peccatorum, qui sine pœnitentiâ obierunt. Atque eum locum, Infernum vocant, scilicet locum ire Dei. Secundus superior isto est, quem Purgatorium vocant, id est, Mundationis locum. Hic soli boni sunt, qui pœnites decesserunt, nondum tamen, quicquid oportebat, omninò præstiterunt, sed exiguorum peccatorum immunditie sunt inquinati: quorum hic pœnam passi, digni redduntur Paradiso. Tertium, Limbum vocant, id est, locum tenebrosam. Hic*

E

Infan-

Infantes sunt, qui absq[ue] signo Christianitatis, id est, absque Baptismo mortui sunt. Hic nulla omnino pœna est, nisi quod prohibentur a visione DEI. Quartus est, quem Sinum Abrahæ vocant, id est locum Abrahæ, ubi omnes iusti, qui sancte mortui sunt, fuerunt, adventum Christi expectante s.

Si ad eum modum intelligi Sinum Abrahæ oportet, ut Iesuita hic indicat, non erit hodiè, ut fideles exinde aliquid sibi solatii capiant: Patrum Limbo post Christi resurrectionem seu abolito, seu nullos amplius incolas habente, soloque Purgatorio, quod loco Sinus Abrahæ ad-
 eant, etiamnum patente, Sinumque ipsum Abrahæ, in quem antè plenam beatitatem recipiantur, in se complectente.

Sed Sinum Beatum illum, qui recepit solutas vinculis animas, vel Seneca etiam in Cælo constituisse videtur, ut suprâ monuimus Sect. 5. Ut exindè rectius sapere etiam Iesuitæ hodiè jubeantur.

Subjicere hoc loco libet id etiamnum, quod Barradius, Iesuita Hispanus, de Sinu Abrahæ, edisserit in *Commentar. In Concordiam et Historiam Evangelicam, Lib. IV. cap. 5.* Ex eo scilicet patere item poterit, quàm propè idem cum Maldonato, à ve-
 riore

riore sensu abfuerit, atque nihilominus perseverant in vulgari aberratione ad Patrum Puerorumque Limbum. Quem tamen dispositione tali etiam ab ipso descriptum ex parte Puerorum offendet Lector, ut cum Xaverio in eodem Ordine haut subsistat. Scilicet quem Limbum Xaverius tertio loco locat, Barradius secundo constituit: ut res ab inde reducibus haut parili narratione accepta videatur. Barradius igitur ille, Commentator in Evangelistas perquam diffusus, *Non est* (inquit) *portatus* (Lazarus) *in Cœlum: quoniam ante Christi Ascensionem iustorum hominum anime in cœlum non ascendeabant, sed ad inferos descendeabant.*

Hinc illud Jacob Gen. XXXVIII. &c.

Samuel praterea I. Reg. XXIV. &c.

Sunt igitur in visceribus terra loca quatuor, ut docent Theologi.

Infimus locus, Tartarus est: in quo flammis sempiternis damnati cruciantur.

Secundus, propinquior Tartaro, Infantium carcer, quorum maculam originalem baptismi salutaris aqua non eluit.

Tertius, Purgatorium appellatur, in quo iusti, qui aliquid fœcis ex hac via ferunt, instar auri fornace expurgantur.

Supremus Limbus dicitur, qui justorum animas continuit, omni peccato peccatique reliquis carentium, usque ad Christi resurrectionem.

Cum enim cœli fores nondum essent reſerata, hi qui cœlo donandi erant, omnibus peccatis expiati, hâc in Sede Christum redemptorem expectabant.

In hunc locum portatus est ab Angelis, felicissimus mendicus Lazarus. Nihil enim habebat scoria, quod igne purgante esset abolendum. Ibidem paulò post.

Non est portatus in Purgatorium, sed in Sinum Abrahe. Mirum sanè est hominem Legis Veteris observatorem, tantæ fuisse Perfectionis, ut nullum haberet peccatum moriens, quod esset igne Purgatorio expurgandum? At vixerat in Purgatorio. Quid enim illius Paupertas? quid Vlcera fuerunt? quid Patientia? Nonne Purgatorium, peccata quæ commiserat, expurgans?

Sic Iesuita dictus suam de Sinu Abrahæ sententiam edisserit: atque interim ordinem in Limbis alium habet, quàm Xavierius, vel alii. Quin imò à communi Scholasticorum opinione recedit, secundum quos, ut testis est Bellarminus lib. II. de Purgat. cap. VI. Limbus Puerorum in altio-

altiore est Inferni loco, quàm Purgatorium,
ut ad eum ignis non perveniat.

Dum à Purgatorio autem Lazarum im-
munem extitisse miratur, Paupertatis ar-
gumento asserere illum indè non veretur,
quasi ea cum suis confectaneis, Morbo-
nia, & Patientia, Purgatorii loco in vitâ
hâc ipsi fuerit. In quo Hebræis quodam-
modo accedit: qui ut legitur in *Eruhim*
cap. 4. referente *Buxtorff. in Lex. Chald.*
p. 1237. Tres, inquit, non vident faciem
Gehenna: Extrema Paupertas, Dolor Colicus,
& alieni aris gravitas.

Sed nobis hic illud spectandum maxi-
mè, quod de Sinu Abrahæ ipse tradit.
Dum eum igitur modo dicto explicavit,
post adductas aliorum de eodem senten-
tias, sic ipse etiam subjicit: *Aliter di-*
ci potest, Lazarum portatum esse ab Angelis
in Convivium Abrahæ: juxta illud Domini:
Matt. 8: Multi ab Oriente & Occidente
venient, & recumbent, cum Abraham &c.
Recumbent inquam in Convivio cœlesti.

Quo certè modo ad sensum verborum
genuinum ac verum perinde, uti de *Mal-*
donato vidimus, proximè accessit.

Nihilominus ne non Limbo suo illi
usque favere agnosceretur, addit pro eo

dem stabiliendo: *In Limbo autem recum-
bebat in Convivio, quia quiete perfruebatur
magnâ.*

*Lazarus verò visus est Diviti recumbere
veluti dilectus: quemadmodum Johannes in
cenâ in Sinu Christi recubuit.*

SECT. 15. *Ex Lazaro in Sinibus Abra-
he sic spectato, quid Pœa commone-
factionis Pauperibus offeratur.*

SED missis jam illis, qui in rebus quam-
vis evidentissimis, seu hæsitacione, seu
contentione delectantur, hoc submonere
potius lubet: Ut qui *Pietatem* cordi ha-
bent, qui ad *supernam Felicitatem* suspirant,
seu *Pauperes* illi sint, seu *Divites*, in terris
his, omnes ii, animorum rectè attentorum
oculis, Lazarum, in Sinibus Abrahæ ad
cœleste convivium accumbentem, ita su-
spectare studeant, quò emolumentum,
maximi certissimique profectus, ad ipsos
inde redundet.

Nimirum, quos *Paupertas* urget, quos
Ulcerositas cruciat, aut *corporis* quicunque
Lingvor dejecit, quos ad divitum januis de-
jici contingit ob inopiam, qui micis et-
iam saturari frustrâ experunt, qui canes ar-
cere abs se nec valent, atque eosdem pro-
pè man-

pè mansuetiores experiuntur, quàm hominem ex luxuriosi Epulonis consortio ul-
 lum aliquem : (Neque enim vel è famu-
 litio aut Satellitio quisquam prouiore ad
 miseresendum indole fuisse innuitur ,
 quàm exiit Herus ipse seu Dominus :)
 hi ex *Lazari intuitu*, ad hoc erudiantur ,
 ut, quoad possunt, otiosam temerariamq;
 mendicitatem fugiant. Hoc agant, dum
 occasio ulla, vel vires etiam ac valetudo
 id fert corporis: ut laboribus sese suis su-
 stineant. Neque enim Lazarum hîc au-
 diunt in mendicorum classem temerè ab-
 iisse : sed per corporis languorem, per ul-
 cerum scditatem isthuc incidisse. Et quæ
 Apostolus in istam partem præceperit, gra-
 viterque inculcârit II. *ad Thess.* III. v. 10.
 11. 12. per se in aperto sunt. Ad sani va-
 lidique corporis homines illa directè spe-
 ctant. Si quos igitur ulcera, si quos alia
 corporis infirmitas, ad mendicabula pro-
 sternit, undè illa, quæ diximus, evenire
 sibi videant, *Patientiâ & Sustainentiâ* (quam
Irenæus vocat) calamitatem eam superent,
 malaque sibi sic objecta inde, eâ fide de-
 vorent, de Lazari in Siquibus Abraham con-
 spectu, certissimum solatium ad se deri-
 vantes, quod & ipsi sint à calamitosa hac

vitâ ad Felicitatem illam supernam per-
venturi, bajulorum loco vel Angelos ha-
bituri, reperturi locum non ad *πυλῶνα*, sed
in ipsâ cœlesti aulâ: nec confessuri tantum
ad mensam Patriarcharum, sed in ipsum
quoque Abrahæ Sinum, post Lazarum
recubituri.

*Secl. 16. Ex Lazaro in Sinu e Abrahæ
sic recepto, quid Pia Commonefa-
ctionis Divitibus amplius suggera-
tur: ubi obiter attingitur,*

*Quomodo τὸ κατ' ἡμέραν aliter quoq³ expo-
ni possit, quàm vulgò solet:*

*Et quomodo τὸ περιεχόμενον apud Irenæum
expositum reperiatur.*

QUibus ex adverso suppetunt *Divitia*,
ut in terris his, vel *purpurâ* ac *byssô* a-
micire se possint, aliis vix lanâ, aut lino,
aut canâbe, aut *μελωτῆς & ἀγρίοις δέμασι* (qua-
lia nominantur *Heb. XI. v. 37.*) quò se à
frigore defendant, suppetentibus: quibus
annona sic ubundat, ut *hilariter vivere quo-
tidie*, ac *splendide epulari* queant, aliis inte-
rim ex egestuosa necessitate, perpetua quæ-
dam jejunia perpetiennibus, frutulisque
de mensis divitum prociduïs, atque vel in
canum usum abeuntibus, vel pedum ob-
tri:

eritione dispereuntibus, frustra saturari
 præstolatis: Hi quoque dum divitiarum
 habent abundè, ut earum abusu vel usu,
 seu *Divitis illius damnatissimi* Consortes;
 seu *Abrahami beatissimi* consecretanei eva-
 dere possint, hi inquam, ex *Abraha Sinu*,
 sic dilucidius explicato, sapere salutariter
 discant. Dum ipsis suppetunt & opes &
 operæ, ut ædes sibi struere magnificas va-
 leant, quales sunt illæ, in quibus *πυλῶνα* re-
 perire est, h. e. vel atrium, vel, ut *Henrico*
Stephano videtur, portam amplam, seu ma-
 jorem aliquam, (ut *Divitis illius* fuere:)
 aliis vix interim tegillo aut tuguriolo pa-
 tente, in quod sese recipiant, frequenter
 autem ad *Divitum πυλῶνας* dejici solitis:
 dum suppetunt, seu mercedis, seu hono-
 rariorum impendia, ut valetudinem cu-
 rare, non tantum delectu eiborum, sed
 conductu quoque peritissimorum Medi-
 corum queant, aliis ad ulcera sua nec em-
 plastrum invenientibus, sed canes Medi-
 corum loco admittere per infirmitatem
 coactis: quibus, inquam, sic præsto est
Plutus: isti & *Lazarum* in Sinibus *Abra-*
hæ suspiciant, ad tantam illam felicita-
 tem, & tam eximie singularisque charita-
 tis dignationem promorum: & *Divitem*
 quo-

quoque respiciant, in Inferno, in tormen-
 tis, *non purpurâ & bysso*, (ab igne licet no-
 strate non combastili, adversus inferna-
 lem æstum tamen nihil quoque tutante,)
 amplius vestitum, sed flammis, velut ami-
 ctu quodam, exsplendescentem; *non in ar-
 ce angustâ*, accumbentem, sed in orci an-
 gustias detrusum; non fomenta haben-
 tem, sed sentientem tormenta: *non nectar
 haurientem*, sed inter tartara frustâ quoque
 expetissentem, quæ digiti extremo (de
 malluvio convivali, seu pollubro) instille-
 tur, aquæ guttulam: *non jam satellitro famu-
 lorum stipatum*, ad nutus quosque antea
 paratissimorum, sed servitia etiam despe-
 ctissimi antehac mendicabuli inaniter ef-
 fugitantem, eumque pocillatorem sibi
 dolorosè exoptantem, cui refocillator
 antè esse dedignatus fuerat in ulcerosis
 doloribus: respiciant hunc talem infra se
 sibi à Christo propositum. Dum adhuc
 in terris sunt, respiciant: ut maturè vident,
 per quæ possent eodem detrudi. *Agnos-
 cant jure illi negari, sub æstuosis cruciatibus,
 aquæ guttam; qui egestuoso negarat antea
 panis crustam.* Si liberum esse credunt
 (ut est sanè nonnullis per conditionem &
 dignitatem suam) *vestiri pretiosius, victi-
 tare*

care delicatius, habitare munitius, alere molossos & verragos, ad venationum delicias: ne pauperes, ne egestuosos, ne mendicos, ne miserabiles ullos, sua quandoq; desideria nec voce exprimere audentes, contentim habeant, neglectimve canibus delingendos relinquant.

Atque ne tum quidem Lazari ad vestibulum abjecti obliviscantur, phagedænisque putentem ita averfentur, ut suppetias micarum illi elargiri prætermittant, *cum diem fortè hilarem agunt, non omnem, sed aliquem tantū n.* Nam, (ut obiter, id etiam hic attingam) (τὸ κατ' ἡμέραν, quod in ipsa hac de Divitis illius moribus narratione legitur, *non quemvis diem perpetuò*, seu quotidie significat semper; sed *certum* etiam, ac velut *definitum diem quendam*, designare potest, seu *annuum*, seu *mensurum*, seu cujuscunque tandem intervalli: Uti *Piscator Herbornensis ille Thologus*, isto loquendi genere alibi annum quendam diem denotari, approbè observavit, ad *Hebraeos cap VII in Scholiis*. Neque verò in isthoc Lucæ textu legitur *κατὰ πᾶσαν ἡμέραν*, (ut legitur quidem *Actor. XVII. vers. 17.*) quamvis *Interpres Germanus* tam noster, *Lutherus*, quam quem Pontificii eidem opposue-

posuerunt olim, *Emserus*, reddiderit, quasi in Græco dies omnis expressè notaretur: nec *Latini Interpretes* aliter habeant, quàm quotidie. Atque utut in eundem modum *Interpretes* habeant etiam *plerarumque nationum*, quos videre licuit, alii: Si Græcis tamen literis pressè hic insistere libeat, non aliter verba sonabunt, quàm, *secundum diem*: Ut sensus, de *statâ quadam die* quæ innuimus, facile locum invenire per verba ipsa queat. Vel isthoc vero sensu admissio, seu saltem spectato, agnoscere divites *debent*, commonefieri se de eo, quod *Siracides* monet *cap. XIV. v. 14*: si nostrum Alemanicum Interpretem hic videamus. Nam Græca & isto loco aliò tendunt; licet sententia illa, quam dictus interpretes reddidit, dignissima sit omnino, quæ probè etiam observetur. Atque si esse tam damnosum potest, vel *statum aliquod*, seu *certi duntaxat temporis convivium*, luxuriosè egisse, cum neglectu hominis egestuosi atque languidi: quo loco illud non habendum intelligitur, *si perpetuetur luxuria*, & quotidiana existat ingluvies, quæ absumat disperdatque id, quod ærumnosis poterat esse subsidio? Qualem convivandi modum, cum negotia ferè alia Diviti-

viti-
dum
nuè
paup
inter
cùm
pluri
vivian
lia ab
destin
Se
Supe
Abi
viti-
(ut
ratic
ad f
exp
tun
Qu
pa
iam
cer
neo
tar
am
me

vitibus hodie non permittant, licet inter-
dum, aut subindè potius helluentur stre-
nuè, parumque recordentur inter pocula
pauperis: fit indè, ut pauci sese agnoscant,
inter *Epulonis* illius *Fratres* transcribendos:
cùm *sens* ex uno patre, adeoque multò
plurimi existant, qui generis ejusdem con-
vivium frequentare intelligendi sunt, qua-
lia ab isto acta, cum ærumnosi hominis
destitutione, fuisse memorantur.

Sed & suspectent *Divites in hoc seculo*, ad
Superna potiùs, ubi Lazarus in *Sinibus*
Abraha compareat; Ubi mendicus *παει-
νών* dicitur, h. e. seu *consolatione affici*,
(ut *vulgaris* & hodierna omnium interpre-
tatio vim verbi exprimit) seu *rogari*, h. e.
ad servitia quædam à Divite illo damnato
expeti: uti *Cyprianus* locum illum reddi-
tum adducit *lib. III. Testimoniorum ad*
Quirinum: (quam significationem in
passivâ formâ verbi hujus ex *Plutarcho* et-
iam docet *H. Stephanus*, nec *Budeus* reti-
cet: adeòque discant maturo adhuc ævo,
nec mendicabula frustrare, quæ rogare
tandem, & ad servitia sua velut ex *Abrahæ*
amplexu deposcere frustrà, ista ratione
mereantur.

Quin, ut denuò id inculcem, suspiciant
potiùs

potius & observent ibi, *sua sortis & censuræ*,
 sed *disparis* tamen, quàm *Dives* iste fuit,
sensus & moris Divitem, item *Abrahamum*,
 discantque *mores*, illi olim in vitâ mortali
 hæc usitatos, imitari: uti vident eundem
 post vitam quoque istam, in moribus iis-
 dem in tantum jam velut progressum, ut
 Lazarum etiam mendicum pridem ærum-
 nabilissimum, non præ foribus tantum
 excipiat, sed planè in *Sinibus suis* attineat.
 Neque dubia spe, ex istâ contemplatione,
 persvadeant animis suis de *Abrahamo*, fore
 eundem. (vel ipsum potius aulæ cœle-
 stis Præsidem CHRISTUM JESUM,) usque
 etiamnum promptum ac paratum, ad ad-
 mittendos & recipiendos pariter in *confor-*
tium Felicitatis æternæ & gaudiorum, non
pauperes tantum, Lazari in pietate & pa-
 tientia similes: sed & *divites* quoscunque,
 qui fuerint *eiusdem* cum Abrahamo *Fidei*
Fili per eam *Abrahæ* genuini, *Humanitatis*
istidem, & *benignitatis eiusdem* in hoc se-
 culo ergà advenas & inopes exercendæ,
 hilares, adeoq; Deo verè dilecti, *Imitatores*.
 Qui absomit proprandialia, absomit con-
 vivalia, inquit *Rabbini in Thal. Hurof.*
Schevis cap. 4. Id Proverbiale esse doc-
 cet *Buxtorff. Lex. Chald. p. 2341.* in eos,
 qui

qui malè decoquunt dona Dei, ad sustentationem hujus vitæ temporalis benignè & largiter data, hi quoque carebunt cibo cœlesti in vitâ futurâ. Qui cibo se

tantùm infercit, frustraturque eo famelicos miseros, ipse à cœlesti convivio exclusus, cogetur isthic

IN SINU ABRAHÆ videre

tandem abs se antea im-

misericorditer neglectos.

Atque de Abrahæ Sinu tantùm.

In Pirke Aboth cap. 4.

Rab. Jacob.

Mundus hic similis est Vestibulo respectu futuri mundi.

Præpara teipsum in Vestibulo, ut possis ingredi Triclinium.






P


d


E

-

e







Biblioteka Jagiellońska



stdr0021346

